


საქართველოს მუხრანის



ნაბადული



ROITER

შინაარსი

I—ბრძენი.—ღეჭის აკაკისა	3
II—ჩენი ნიშა.—ი. კვდოშვილისა	6
III—ვინ არიან აზნაურნი.—(ღებუნი) აკაკისა	9
IV—პოლბერის საუბარი.—(დასასრულად) ი. მკვაჯავანიასა	12
V—იმედიც კაი საქონელია.—ზდაზარი, (ნამბობა უდა- მუსკენ ანიკაშვილის-შიერ.	18
VI—ცელქის დღიურიდან.—(გაბერტონისა) იასონ ჩაკო- ლაიშვილისა.	25
VII—ზაფხული.—ღეჭის ი. კვდოშვილისა	30
VIII—წმ. ვერონიკას ჩაღრი.—სუღმა დაკერდუფისა (გა- გრძელება, ზე. დ—ძისა	31
IX—ივანე გიორგის-ძე მაჩაბელი.—შ. დ—სა.	37
X—სოლომონ გოშაძე.—(ხეკროლოგი) შ. ი—სა	41
XI—წერილები ფიზიოლოგიიდან.—წერილი მუხუთე ივ. გო- მანთელისა	42
XII—ბოტანიკური საუბარი.—(გაგრძელება) სოლომონ ქურდიანისა	45
XIII—ჰენრიხ პესტალოცი.—შეშა თბუბისა და აღმზრდე- ლი კაცობრიობისა, თუთ კანდედაკისა.	50
XIV—გასართობი:—ა) საჩქაფუნო,—ბ) გაპარული მანე- თი,—რებუსი და ახსნა	60

რეპორტი

საქმეაფვილს შუკნალი

წილიწადი მისთხე

ივლისი, 1908 წ.



ტფილისი, ელექტრონის სტამბა წიგნების გაბრმცემელ ქაიხვილსა ამანაგაბისს.



შინაარსი

I— <u>ბრძენი.—ღექსი აკაკისა</u>	3
II— <u>ჩენი ნიშა.—ი. კვდოშვილისა</u>	6
III— <u>ენი არიან აზნაურნი —(ღუგუნიდა) აკაკისა</u>	9
IV— <u>პოლბერის საუბარი.—(დასასრულად) ი. შაქვარიანისა</u>	12
V— <u>იმედიც კაი საქონელია —ზღაპარი, (ნაშობი უღდა- მუსკენ ანიკაშვილის-შაქრ.</u>	18
VI— <u>ცელქის დღიურიდან.—(გაბგერტონისა) იასონ ნაკო- ლაშვილისა.</u>	25
VII— <u>ზაფხული.—ღექსი ი. კვდოშვილისა</u>	30
VIII— <u>წმ. ვერონიკის ჩადრი.—სელმა დატერღევისა (გა- გრძელება, მავ. ღ—ძისა</u>	31
IX— <u>სოლომონ გოშაძე.—(ნკერდოცა) მ. ო—სი</u>	37
X— <u>წერილები ფიზიოლოგიიდან.—წერადა მესუთე ავ. გა- შართელისა</u>	38
XI— <u>ბოტანიკური საუბარი.—(გაგრძელება) სოლომონ ქურდიანისა</u>	41
XII— <u>ჰენრიხ პესტალოცი.—მამა ობდუბასა და აღმზრდე- ლი კატობრიობისა, თეო კანდელაკისა</u>	46
XIII— <u>გასართობი:—ა) საჩქაფუნო,—ბ) ვაპარული მანე- თი,—რებუსი დი ახსნა</u>	58


რომ მოიკლა მან წყურვილი,
თავი მაღლა ააღირა,
გაიბერტყა, დაიფრთქვინა
და ყროყინი გააბშირა!

ძირს ჩამოხტა მაშინ ბრძენი,
სტქვა: გამოვსცდი ამ ვირსაო!
შეებვეწო: კიდევ შესვი,
ნუ გამიტეხ; ვთხოვ, პირსაო!

ხან იქიდან, ხან აქედან...
რა არ უთხრა და ევაკრა?
მაგრამ მისმა ვერც მუქარამ,
ვერც ვედრებამ ვერრა გასკრა!..

ბრძენმა მუხლი მოიყარა
თავმდაბლობით ვირის წინა,
თაყვანი სცა მოწიწებით,
ნალღლიანად გაიციხა:

თურმე ვირი მე ეყოფილვარ
და შენ დიდი რამ ბრძენიო;
მე სხვის სურვილს გადავეყვი
და შენ კი ეს არ ჰქმენიო.



აკაკი





ჩვენი ნიშა



ამოპოპო, მამოპოპო! შემომესმა ძილში მამაჩემის
 ხმა და თვალები გავაჭყიტე. მომაგონდა, რომ
 დღეს პირველი კალო უნდა გაგვეღეწა.
 ვიდრე მე ტანთ ჩავიცვავდი, დატვირთუ-
 ლი ურემი ხრიხალში შემოკრიალდა
 და მამაჩემი შეუდგა ძნის გადმოყრას
 კალოში.

— აბა, ფიწლები! აბა, მარდად! გვამზენვევდა მამა, მაგრამ
 მისი გამზენვევა ჩვენ აღარ გვესაქიროვბოდა ზოგი ულოსა ხსნი-
 და, ზოგიც ფიწლით ძნასა შლიდა მზემაც მალე ამოგვისწრო
 და ჩვენი კალო პაწია, ოქროსფერ მთვარეს დაემსგავსა. მაგ-
 რამ მე უფრო კვერის ხალისით ვფუსფუსებდი. მინდოდა მალე
 შეგვება კვერში ჩვენი კუღვარდა და ნიშა ხარი, რომ ჰორო-
 ველა შემომეძახნა. ვიდრე ჩვენ ძნასა ვშლიდით, ხარები კა-
 ლოს პირში ისე ხარბად სკამდნენ ძნას, თითქოს გრძნობდნენ,
 რომ ძნელი სამუშაო მოელოდათ.

მოთავდა კალოს გაშლა. მამამ უფელი დაადვა ხარებს და კვერი მოუთრია. მერე რამდენჯერმე გადაუსვა ორივეს ზურგზე ხელი, თითქოს ებოდიშებოდა, რომ ასეთი ძნელი სიმუშაო დააკისრა და შედგა კვერზე. „მოიცა შეილო, ცოტა ძნამ ძირს დაიწივოს, შენ მერე შედეგ“, მითხრა მე და გაისმა კვერის შრიალი. ცოტა ხნის შემდეგ მამამ ჰოროველაც დასძახა. წახალისებულმა ხარებმა ნაბიჯს უმატეს. ისინი არც საქმელს იფიწყებდნენ და გზა და გზა სიჩქარით დასწვდებოდნენ ხოლმე ძნას. დედაჩემი კალოს პირას ფიწილს დაყრდნობდა და სიამოვნებით უყურებდა ჩვენ საყვარელს კუღვარდას და ნიშას.

— ღმერთო, შენ გადმოჰხედე ღარიბ ხალხს, ძლივს არ მოვახწივეთ ვალითა და ვახშით ზაფხულამდე! ჩილაპარაკა მან თავისთვის და გასწივა ქოხისკენ საუზმის მოსამზადებლად.

მეც მალე ველირსე ჩემს საწადელს. მამაჩემმა კვერი მე დამითმო და თვითონ ფანჩატურის გრილოში წამოწვა. ნიშასა და კუღვარდას არ უნდოდათ ჩემი ძალდატანება, ისეთი მორჩილებით უვლიდნენ კალოს. მე ჰოროველა დავძახე და კვერის შრიალი ბანს აძლევდა ჩემს სიმღერას...

ჩამოცხა... მზემ პირდაპირ კალოს დააყარა თავისი სხივები. ძნა გახურდა, ჩაიბტვრა კვერის ქვეშ, ბზედ იქცა და მის ქვეშიდამ გამოჩნდა შინდისფერი პურის მარცვალი. მამაჩემი მალმალ დაიყრიდა ხოლმე ხელის გულზე ხორბალს და სიამოვნებით დასტკეროდა ნიშა-კუღვარდას და თვის ნაოფლარს.

მზე ჯერ კარგად არ იყო დაშვებული, რომ კალო მოიღწეა. ხარები გამოვუშვით და შევრეკეთ ფანჩატურის ქვეშ ჩრდილში, სადაც დანამული ძნა დაეუყარეთ. მეც მათ ახლოს წამოვწექ, მათთან ერთად ვისვენებდი. ნიშა ხარი გახარებული დასწვდებოდა ხოლმე ძნას, მიუქნ-მოუქნედა ყბას და შემომხედავდა თვის დიდრონ თვალებით, თითქოს მეუბნებოდა, ალალია ჩემზე, ვიმუშავე, მოვხან, მოვიტანე და გავღეწეო.

— ამ, ამ, ამ... შეჰყეფა უცებ ჩვენმა ბროლიამ, რომელიც საბძლის გვერდით იწვა, წამოვარდა ზეზე და ხრიხალი-



საკენ გაექანა. მართლაც ჩვენს ხრიხალში ერთი მეორე მოვიდა ხუთი შეიარაღებული ცხენოსანი. მათ წინ მოუძლოდა ყელზე ჯინჯილ ჩამოკიდებული ჩვენი სოფლის მამასახლისი. მამაჩემი ქუდმობდილი მიეგება წინ და მოწიწებით თავი დაუკრა. სტუმრებმა მრისხანედ გადმოხედეს. მე ვიგრძენ, რომ ისინი ჩვენთან სასიკეთოდ არ მოსულიყვნენ.

— აბა, ივანე, გამოუჯაგრდი აქეთ მაგ შენს ხარებს! უბრძანა მამასახლისმა მამაჩემს.

— ნუ, ნუ დამლუპავთ, შენი მუხლების კირიმე. ცოტა კიდევ მადროვეთ, დღეს პირველი კალო ჩაუვგდე. გავლექწავ, გავყიდი და მოგართმევთ.

— ნუ გამოსკრით ყელს ჩემს წერილშვილს, ძლივს გადავურჩით ზამთარში სიცხევს და სიმშლს, ნუ დაიდებთ ჩვენს ცოდვას... ემულარებოდნენ მოსულებს ჩემი მშობლები.


— არ შემოძლიან, ნაბრძანებია, უნდა აიკრიფოს **გაწერილი ხარჯი**, ფოსტის ფული... დუღუნებდა მამასახლისი და თან მათრახს ატრიალებდა ხელში.

ცხენოსნებმა კუდვარდაცა და ნიშაც ჩრდილოდამ გამოორქეს, ათვალ-ჩათვალიერეს და ნიშა, რომელიც უფრო თვალში მოუვიდათ, გაიგდეს წინ. ქვითინებდა დედაჩემი, ავტირდი მეც და მამა კი ფერხიხდილი იდგა კალოს პირს და გარინდებულის უყურებდა კუდვარდას, რომელსაც ამხანაგი მოსტაცეს.

— ვაიმე, ნიშავ, ჩვენო მაცხოვრებელო, ჩილაპარაკა მან და ორი მდულარე ცრემლი გადმოგორდა მის მწუხარე თვალებიდან. ვტიროდით მე და დედაჩემიც.

ი. ევლოშვილი





მინ არიან აზნაურნი

(ლევინდ-)



ლექსანდრე მაკედონელმა რომ მთელი აზიის დაპყრობა მოინდომა, საქართველოზედაც გამოილაშქრა. მაშინ შეფობა არ იცოდნენ, მამასახლისობა იყო ჩვენში და მცხეთის

მამასახლისი, როგორც ყველაზე

უფროსი, ვანაგებდა ქვეყანას. მამასახლისმა მოულოდნელად მოსულებს მოციქულები მიაგება და მოაკითხა ძღვენი. ოქროს ზონჩაზე ოქროს შოთები ეწყაო.

ალექსანდრეს ვაეცინა და იკითხა: თქვენში ნამდვილი პური არ მოდის, რომ ზონჩაზე ოქროსი დავილიაგებიათ?

— როგორ არაო? — მიუგეს მოციქულებმა — ჩვენში კი მოდის, მაგრამ ჩვენ ვეგონა, თქვენში არ მოდიოდა, თორემ ამ სიშორეს რა წამოგყვიანდათ!

მოეწონა მეფეს მათი პასუხი და მოინდომა, მეგობრულად რამოდენიმე დღით სწვევოდა მამასახლისს.

ერთხელ, როცა მამასახლისი ხის ძირად შუადარი ასაპართლებდა მომჩივრებს, სხვათა შორის წამოიჩოქა ერთმა და მოახსენა: „დიდებულო ბატონო, ამ კაცს — მიუთითა მეორეზე — მე მივყიდე ცარიელი ადგილი სამოსახლოდ, მაგან მოინდომა სახლის დადგმა და როცა საძირკველის თხრა დაიწყა, მიწაში ორმო ნახა. შიგ დიდ-ძალი განძი იყო: ოქრო, ვერცხლი, ღვა-

ლი და მარგალიტი. ახლა მოსულა ჩემთან და მეუბნება: მე განძი კი არ მიყიდნია, ცარიელი ადგილი ვიყიდე და განძი კი შენია და შენვე უნდა წაიღო!... უნდა რომ უსამართლობა ჩამადენიოს და უბრძანეთ, მომშორდეს, თვითონ წაიღოს, ღმერთმა მოახხაროს, რაც უპოვნიაო!

შენ რაღას იტყვი?—მიუბრუნდა მსაჯული მებასუხეს.

— მე რა მაქვს, შენი კირიშე, სათქმელი?—მიუგო მებასუხემ — მე ადგილი მიყვიდე და თუ იქ მიწაში რამე ამოჩნდა, მაგისი იქნება და არა ჩემი. უბრძანეო, რომ წაიღოს და მე თავი დამანებოს, უსამართლობას ნუ ჩამადენიებსო.

დაფიქრდა მსაჯული; მერე აიღო თავი და მიუბრუნდა მომჩივანს:

— ვაფიქრდი გყავს?

— გახლავსთ ერთი ღვთის წყალობა!

— უცოლოა?

— საცოლო გახლავსთ!..

— 'შენ?—მიუბრუნდა მობასუხეს — ქალიშვილი გყავს?

— მყავს, გასათხოვარი.

— მაშ მოილაპარაკეთ ერთმანეთში. ის ქალ-ვაფი ერთმანეთს შერთეთ და განძიც მზითევში გაატანეთ. ეს მაშინ, თუ ქალ ვაფს ერთმანეთი მოეწონოსთ, თუ არა, მიაყარეთ იმ გაძს მიწა!—დატოვეთ, ისე როგორც ყოფილა! ნულარც შენ და ნულარც შენაო!

აღუქსანდრეს გაეცინა: ეგ სამართალი ახირებულად მიმაჩნიაო.

— მაშ თქვენში რომ მომხდარიყო ამისთანა ამბავი, რა განჩინებას დასდებდნენ?—დაეკითხა მამისახლისი.

— განძს სახელმწიფოდ შერაცხდნენ.

— სახელმწიფოდ?!—სხვის საკუთრებას?

— რასაკვირველია, თუ კი პატრონი არ გამოუჩნდებოდა!..

— ჰმ!.. მზე ამოდის თქვენში?

— ამოდის!

— ჰმ... წვიმაც მოდის ხოლმე?

— მოდის.

— მაშ სჩანს, რომ პირუტყვები არიან თქვენში კარგი და ეს ზეციური მადლი—მზეცა ან წვიმაც—მათთვის ყოფილა და აჩა ადამიანებისათვის, რომელნიც არ ვარგებულან თქვენშიო!

მაკედონელს გაუკვირდა. მოეწონა ეს პასუხი და უთხრა მამასახლისს, როგორც მეგობარს: მე დავტოვებ ნაწილს ჩემი ჯარისას შენს ქვეყანაში მხედართმთავრის აზონის ზედამხედველობით. მათგან შენი ხალხი ისწავლის სამხედრო წესებს და ისინიც შენს ქვეყანაში ისწავლიან ცხოვრების წესწყობილებას. მართლაც დასტოვა ჯარის ნაწყვეტი და თვითონ კი გაეშურა ინდოეთისაკენ.

ზოგი იმ მაკედონელთაგანი დასოლშვილდნენ საქართველოში და დარჩნენ, როგორც მკვიდრები. არაფერ გადასახადს არ იხდიდნენ, თავისუფალნი იყვნენ და ხალხიც საზოგადოდ დიდ პატივსა სცემდა. იმათი შთამომავალნი დღესაც არიან და იწოდებიან აზონაურებად, ანუ აზნაურებად.

აკაკი





პოლპერის საუბარი

(დასასრული)



ზებთან ერთად ნავთსადგურიც უნდა მოვიხსენოთ. თქვენი თვალით უნდა ნახოთ, რომ დარწმუნდეთ, — რამდენი ჯაფა და ხარჯი უნდა დასკირებოდა რიგიან ნავთსადგურის გამართვას, მოწყობას და წესისამებრ შენახვას.

გავიკვირდებათ, რამ სიგრძე და რამ სისქე კედლებია ზღვის ძირიდან ამოყვანილი, რა ძვირფასი და საკვირველად მოწყობილი მტვირთავი მანქანებია გამართული...

— ჩვენ რა, ბატონო? ზღვის პირას, სადღაც ნავთსადგური არისო, ჩვენ ტყავი უნდა გავვაძრონ! ნავთსადგურის ხარჯი იმან უნდა იხადოს, ვინც ზღვის პირასა დგას და სარგებლობს ი რაღაც ნავთსადგურია. მე ჩემს დღეში ზღვა არც-კი მინახავს და ისე არად გამომადგება ნავეები და იმათი სადგურები, როგორც ბატონიანთ შხარეული.

— ვითომ აგრე, ჩემო ანტონ? აბა დაფიქრდეთ. ამ დილას თქვენკენ გამოვიარე, სამოვარი გედგათ. რას შიირთმევედით, თუ შეიძლება?

— ჩაის გაახლებოდით.

— შაქრით, თუ თაფლით? ან იქნება ჩამიჩს ატანდი?

— შაქრით, ბატონო, ჩამიჩი რა სათქმელია!

— ტანთ რა გაცვია, ჩემო ანტონ?

— ხალათი გახლავთ, ჩითისა.

— მერმე ჩვენში ხომ არც ჩაი მოდის, არც შაქარი, არც ჩითსა ჰქსოვენ. საიდგან გაჩნდა, თუ მეტყვი?

— ეგ ხომ კიდევ ვისწავლეთ და ვავათავეთ: ჩაი ჩინეთიდგან მოდის, შაქარი და ჩითი ჩვენივე სახელმწიფოს სხვა და სხვა მხარეებიდგან.

— ძალიან კარგი. სწორედ მამაშენს ვკითხავდი ამ ორი დღის წინად, — რად გინდა, მაგდენ ლეინოს რომ ყიდულობ მეთქი? საზღვარგარედ ვგზავნიო.

ჰოდა-საით მოდის ჩაი, შაქარი, ჩითი და ჩვენი ლედლის ახალი სუბუქი გუთანნი, რვა უღლის წილ რომ ოთხ უღელს-ლა ამაჰს? საით მიდის ანტონის მამის მიერ საზღვარგარეთ გაგზავნილი ლეინოები? საით და იმავე ნავთსადგურით. გზები და ნავთსადგურები რომ არა გვქონდეს, ერთი ისად გაძვირდებოდა ყველაფერი, რაც დღეს უცხოეთიდგან შემოდის, და ჩვენი ლეინოებიც გაუყიდავი დაგვრჩებოდა... დავამყავებდით, თუ დავლევდით, როგორ გგონიათ, ყმაწვილებო?

— ჰაი, ჰაი რომ დავლევდით! იმისთანა ლხინი გაიმართებოდა...

ჰო და ხომ ხედავთ, რომ ნავთსადგური მარტო ადგილობრივ მცხოვრებთათვის კი არა, მთელი ერისთვის ყოფილა საჭირო და მამასადამე მისი ხარჯიც ყველას უნდა ედვას.

გაგეგონებათ, მალაღი მთის მწვერვალზედ დიდრონ შენობას აგებენ, დიდრონ, ძვირფასად ღირებულს, დურბინდს მართავენ და დღე და ღამ ცას გასცქერიან მეცნიერნი. ამ შენობას თავის დურბინდით და სხვა საჭირო იარაღით ობსერვატორია ჰქვია. იმასაც დიდი ფული სჭირდება

და იმასაც ხალხის მიერ გაღებული ხარჯი ინახავს. იქნება სიქვას ვინმე:

— იქ რომ ვიღაც მეცნიერი ვარსკვლავებსა სთვლიდეს, ჩვენ ფული რად უნდა გადაგვდესო.

ძალიან შესდება, ვინც ამის იტყვის.

ვარსკვლავებს რომ ვასცქერის, მეცნიერებას ემსახურება და მეცნიერება—ხალხის წარმატებას და სიკეთეს. ხომ გახსოვთ, შარშან გაზაფხულზედ როგორ უცბად მოვარდა ჩვენი მდინარე. ზღვასავით მოდიოდა და მთასავით ზვირთებს მოაგორებდა. ისიც ხომ გახსოვთ, ისე გადავრჩით, ქათამიც არავის დაპხრჩობია. გადავრჩით, მაგრამ იცით ვისი წყალობით? ობსერვატორიამ აცნობა მთელს ხეობას, — თოვლი დნება მთაში, ძალიან მოვარდება თქვენი წყალი, ფრთხილად იყავითო.

სასამართლოები, საპატიმროები, პოლიცია—სულ ჩვენი ფულით ინახება. ხარჯი რომ აღარ გავიღოთ და მართლმსაჯულება მოისპოს, ციხეებიდგან მძარცველები და კაცის მკვლელები გამოუშვან, პოლიცია გაუქმებულ იქმნას, მაშინ უყურეთ ჩვენს უბედურებას: ძველს დროს დავუბრუნდებით და ცალი ხელით რომ სახრე გვეჭიროს, მეორეში გატენილი თოფი უნდა გვქონდეს.

ახლა ფოსტის ხარჯი, ტელეგრაფისა, ხალხის ჯანმრთელობისა... ერთი სიტყვით, საზოგადო საჭიროებათა დასაკმაყოფილებლად ყველა ჩვენგანმა შეძლებისა და გვარად უნდა გაიღოს ხარჯი.

— ეგრე კი გახლავთ მერე? მართლა ყველას შეძლებისა და გვარად ახდევინებენ?

— აგრე უნდა იყოს და თუ დღეს აგრე არ არის, ეგ იმას ამტკიცებს, რომ კეთილ განძრახვას უკეთური აღმსრულებელი ჰყოლია. თუ შეცდომა არის რამე, ეგვეც მალე გასწორდება. უწინ იყო, ხარჯს მართო ღარიბი კაცი ინდიდა და შემძლებელნი, შემამულენი კი არაფერს იხდი-

ნენ. დღეს ეგ უსამართლობა უკვე მოსპობილია და ჯობია, რომ ისე მოაწყონ საქმე, რომ შეძლებისა და გვარად ეღვას კაცს ხარჯი.

საჭიროა ყველა ჩვენგანის შეძლების ანუსხვა.

ჯერ მამულები ანუსხეს,—სახნაფი, საძოვარი, ვენახი, ტყე... ყველას მამულს შესაფერი ფასი დაადეს და შეატყობინეს მემამულეს: შენი მამული ამდენად დაფასდა და მაშასადამე ხარჯიც ამ დაფასების შესაფერი გადაგხდებოა. მერმე დააფასეს შენობები—სახლები, ქარხნები, დუქნები, წისკვილები და სხვ...

ამ ხარჯს, მამულისას და შენობისას, უძრავი საკუთრების ხარჯი ჰქვიათ და სწორედ ამ ხარჯის მოსაკრებლად მოდის ხელო ხარჯისმკრები. მაგრამ უძრავი ქონების გარდა სხვაიც არის, არა ნაკლებ დიდი და ძლიერი: შეიძლება კაცს არც სახლი ჰქონდეს, არც მამული, მაგრამ მეტად მდიდარი იყოს და მილიონები ეწყოს ბანკებში. სწორედ ამაზედ არის მიმდგარი დღეს საქმე: ანუსხოს ყველა ჩვენგანის მოძრავი ქონების შემოსავალი და ამ შემოსავლის დაგვარად დაგვადონ ხარჯი.

მამულზედ, თუ ჩვენს შემოსავალზედ დადებული ხარჯი ყველასთვის თვალსაჩინო და ცხადია, რადგან ყველა ჩვენგანს წინააღვე მოუვიდა უწყება, ამდენ-ამდენი გადაგხდება წლებულსაო. ყველამ იცის, რა უნდა გაიღოს საზოგადო საჭიროებათა დასაკმაყოფილებლად და ამ ხარჯს პირდაპირ ხარჯს უწოდებენ.

მაგრამ ამ ცხად ხარჯს გარდა სხვასაც ბევრს ახდევინებენ ხალხს, ოღონდ ისე, რომ პარსულმა სამართებლის შეხებაც ვერ იგრძნოს. ამას ფარული ხარჯი ჰქვიათ. მაგალითი მრავალია. სასამართლოში რომ არხას შევიტანთ რასმე და მარკას დაგვაკრეფინებენ ოთხ აბაზიანს, ან მანეთიანს, ფარულ ხარჯს გვახდევინებენ: ეს ფული სახელმწიფო ხაზინაში



მოდის. ფუთ ნავთს რომ შვიდ აბაზად და ხშირად უფროსი რადაც ვყიდულობთ, სამ-აბაზს სახელმწიფო ხაზინის სასარგებლოდ ვიხდით, თორემ ეგ რომ არ ყოფილიყო, ფუთი ნავთი სამ-ოთხ აბაზს არ აღემატებოდა. ასეთსავე ფარულ ხარჯს ვიხდით, როდესაც ვყიდულობთ ჩაის, შაქარს, თამბაქოს, ასანთს, საზღვარ გარეთიდგან შემოტანილს საქონელს. ჩვენი მღვდლის გუთანი რომ გადმოატარეს საძღვარზედ, საბაგოზედ მართებლობის მოხელე დახვდა და სამი თუმანი გადაახდევინა; ამიტომ იყიდა ჩვენმა მღვდელმა ასე ძვირად, თორემ ეს რომ არ ყოფილიყო, ყველანი გაიჩენდნენ მაგ ახალ-გუთნებს.

რამდენადაც სამართლიანია პირდაპირი ხარჯი, იმდენად უსამართლოა ფარული ხარჯი. უსამართლობა არ არის, მდიდარი და ღარიბი ერთნაირ ხარჯს იხდიდეს ასანთში, ნავთში, შაქარში? ამას უკვე გრძნობენ ტყდილობენ რამდენადაც შეიძლება შეამცირონ და სულაც მოსპონ ფარული ხარჯი. უყურეთ მაშინ, როგორ გაიფედება და გაადვილდება ცხოვრება.

— წლეულს შეტვი რად შეაწერეს მამაჩემს? მამული შეეძინა რამე, კიდევ კარგი, მაგრამ არაფერი შეგვიძენია და ხარჯი კი მოგვიმატეს იქნება ხარჯის შკრეფავმა ჩასჯიბოს?

— არა, ვერაფერს რას ჩასჯიბავს, რადგან რაც უწყებებში ვიწერიათ, იმას მოაგროვებს და იმასვე ჩააბარებს ხაზინას.

ხარჯი მოგვიმატეს, რადგან სახელმწიფოს წლეულს შეტვი დასჯირებიო, ვიდრე შარშან.


ხომ იცით, ხალხი თავის წარმომადგენლებს ირჩევს, დეპუტატებს, და იმათ ავალებს სახელმწიფო საქმეების განგებას. სხვათა შორის ხარჯის გაწერაც იმათი საქმეა. ყოველ წლივ განიხილავენ დეპუტატები სახელმწიფო შემოსაველ-გასავალის ნუსხას და, თუ ნახეს, რომ არსებული შემოსავალი ვერ აკმაყოფილებს მოსალოდნელ გასავალს, კოტას წამოგვიმატებენ, რა გაეწყობა? ეს განხილვა და ხარჯის წამატება საჯაროდ ხდება,



დებუტატების სჯა - ბაისი გაზეთებში იბეჭდება და თავალ-ყურს აღევენებს გაზეთებს, არც გაიკვირვებს ხარჯის მიხატებას.

როგორ ირჩევს ხალხი დებუტატებს და რა უფლებით მოქმედებენ ჩვენი წარმომადგენელნი—ამაზედ შემდეგ მოვილაპარაკოთ.

ი. მახავარიანი.



მოდის და თვითონაც არ იცის — საით. გასწვრივ ის
 -დეს, როტო ფქველები შეტანა მღვიმეთა დედა დედა
 -დებუტატებზედაც დადებენ წუქსი იბეჭედენ ნი დე
 -დებუტატები დაბეჭედებულნი დედას ომის ორ
 -დებუტატების დებუტატები დედას ომის ორ
 -დებუტატების დებუტატები დედას ომის ორ
 -დებუტატების დებუტატები დედას ომის ორ



იმედის კაი საქონელია

ზღაპარა.

ნაამბობი სპარსეთის ქართველ ყოლა-მუსეინ ონიკაშვილის-მიერ.

I



ერთი ყოველიფრით ბედნიერი კაცი იყო: ჰყავდა მშვენიერი ცოლ-შვილი, უთვალავი ცხვარი, ძროხა; ჰქონდა დიდი ადგილ-მამული და აუარებელი ფული. სუყველა მის შენატროდა. მაგრამ, ხომ მოგეხსენებათ, წუთისოფელში ყველაფერი წარმავალია: მოუკვდა საყვარელი ცოლი, დაეხოცა ყველა შვილები, ორი უმცროსის გარდა, გაუწყდა და გაეფანტა ცხვარი და ძროხა, წაუვიდა ხელიდან მიწა-წყალი და სრულიად შემოეხარჯა ფული. ერთი სიტყვით.

ისე გაღარბდა, ისე გადატაკდა, რომ ლუკმა ჰური აღარ მოეპოვებოდა, რომ მტირალი და დამშეული ორი ბაღლი დაეკმაყოფილებინა.

ჯანის სიმრთელე მაინც შერჩენოდა: იმუშავებდა და მით გამოჰკვებდა თავის თავსა და შვილებს; მაგრამ უბედურებაც ის იყო, რომ აღარც თავი ჰქონდა მუშაობისა.

ისეთი საქმე დაემართა საცოდავს, რომ სხვა ღონე აღარ ჰქონდა,—უნდა მათხოვრობა დაეწყო. მხოლოდ ვერც ეს იკისრა: „რა ვქნაო“, ფიქრობდა, „ვინ რას იტყვის? ვინ დამიჯერებს, რომ ასეთ უკიდურეს მდგომარეობაში ჩავვარდი?“

ვის გაუწოდო ხელი? გუშინ ყველა ჩემგან მოელოდა მის წეს-
ლებას და დღეს შე სხვას როგორ უნდა გაუზუბედო შემწეობის
თხოვნა? ხომ არაინი დამიჯერებს, ხომ ცილს რასმე დამწა-
მებენ! მოდი, რაკი გლახობაზედ მიმიდგა საქმე, წავალ,
შორს სადმე გადავიხვეწები, ქვეყანა დიდია, ღმერთი მოწყა-
ლეთა, — მართალ კაცს არ გამწირავს, იქ დავიწყებ მათხოვ-
რობასაო“.

ადგა და გაუდგა გზას; თან გაიძლოდა ორი უკანასკნე-
ლი ვაჟიშვილი, რომელთაგან ერთი იქნებოდა შვიდი წლისა,
მეორე რვისა.

II

მიდის და თვითონაც არ იცის — საით. გასაოცარი ის
იყო, რომ ფიქრადაც არ მოსდიოდა ღვთის მდურება: „აღბად
ღირსი ვარო“, გაიძახოდა, „რომ ღმერთი ასე მსჯის, დეე,
ასრულდეს მისი ნებაო“.

ბევრი იარა თუ ცოტა, მიადგა ერთ მდინარეს. ფონი
არა ჩანდა და გასვლით კი უეჭველად უნდა გასულიყო. იფიქ-
რა, იფიქრა და გადასწყვიტა, — ჯერ ერთ ბავშვს გავიყვან,
შემდეგ დავბრუნდები და მეორესაო.

აიყვანა ერთი შვილი, შეისვა კისერზედ და შეტოვა
წყალში. შუა მდინარეში რომ შევიდა, ტალღამ შემოჰკრა
და ბავშვი ხელიდან გააგდებინა. გაიტაცა ყმაწვილი წყალში,
ხან ძირისკენ წაიღებს, ხან მალთა ამოაგდებს; ბოლოს სრუ-
ლიად დაიკარგა მხედველობილამ.

გამობრუნდა დამშარებული მამა ნაპირისაკენ და რას
მხედავს? სანამ წყლისაგან წაღებულ ბავშვს თვალს ადევნებ-
და, ტყილამ გამოვარდნილიყო მგელი, ეტაცნა ნაპირზედ
დატოვებულ ბავშვისთვის პირი და აგერ ტყისკენ მიარბენი-
ნებს. საშინელი ელდა გცა უიმისოდაც უბედურს მამას! შე-
მოიკრა თავში ორივე ხელი ბევრი იქვითინა, ბოლოს მწარედ
ამოიოხრა და სთქვა: „ყველა ღვთის ნებაა, მოთმინების მე-
ტი რა დამრჩენიო“, და განაგრძო მგზავრობა.



III

იარა, იარა,—ერთ ქალაქს შიადგა. ჰხედავს, მთელი იმ ქვეყნის მცხოვრებნი ქალაქის შიადმოს გამოსულა და რალაც ფაცი-ფუცში და საქმიანობაში არიან. მიუახლოვდა, მაგრამ, რაკი არ იცოდა, საქმე რაში იყო, ხალხთან მისვლა ვერ მიბედა, შორი-ახლო ქვაზედ ჩამოჯდა და თვალღერება დაუწყო ხალხის მოქმედებას.

იმ ქვეყანაში თურმე ასეთი ჩვეულება იყო: ხელმწიფე რომ მოუკვდებოდათ, შეიკრიბებოდა მთელი საბძანებელი ერთ ალაგას; გამოიყვანდნენ ამ შემთხვევისთვის გაწვრთვილ მიმინოს, ააფრინდნენ და ვისაც თავზედ დააჯდებოდა, ხელმწიფეთაც ის იქნებოდა არჩეული. სწორედ ამ ამბავს შეესწრო ჩვენი მგზავრი.

იმ დღეს უცნაური ამბავი დაატყდა ხალხს თავზედ: ერთხელ ააფრინეს მიმინო, წავიდა და კლდეზედ შემოჯდა; მეორედ ააფრინეს,—კიდევ არავის დააჯდა თავზედ; ააფრინეს მესამედ, მეოთხედ, მეხუთედ; მაგრამ ვერაფერი გააწყეს: მიმინო არავის აჯდებოდა თავზედ, სულ იმ კლდისაკენ მიიწევდა.

შეწუხდა ხალხი, შეფიქრიანდა, არ იცოდნენ, რა ღონე ელონათ. ბოლოს თვალი მოჰკრეს ჩვენს მგზავრს. „არიქათ! ვილაც კაცი ჩანს განმარტოებით, აქ მოიყვანეთ, იქნება საქმე იმის წყალობით მოგვიხერხდესო!“—შესძახეს ყველამ ერთხმად.

მიიყვანეს მგზავრი, ხალხში შეიყვანეს და აუშვეს ხელახლად მიმინო. წამოვიდა დალოცვილი და იმ საწყალს კი დააჯდა თავზედ. „ეგ არის ჩვენი ხელმწიფე; გაუმარჯოს ხელმწიფეს!“ ყვიროდა გახარებული ხალხი. ჩვენმა მგზავრმა ბევრი იუარა, ბევრი ეცადა, მაგრამ ხელმწიფობას თავი ვეღარ დაახწია: „ერთი ღარიბი კაცი ვარ, უცხოეთიდან მოსული, ჩემი თავისთვის ვერა მიღონია—რა, სახელმწიფოს მოვ-

ლას როგორ შევიძლება? — გაიძახოდა საწყალი მგზავნი მგზავნი
 მაგრამ ვერაფერმა გასტრო: წაიყვანეს სასახლეში, ჩააბარეს
 ყველაფერი: საქმეები, ხაზინა, დოვლათი და დააბინავეს სა-
 მუდამოდ.

IV

ზის ახალი ხელმწიფე მდიდრად შემკობილ სასახლეში,
 მაგრამ იმისი თვალი ვერასა ჰხედავს, იმისი გული ვერაფერს
 სიამოვნებს: იმას მხოლოდ თავისი დაღუპული ცოლ-შვილი
 და მიწასთან გასწორებული სახლ-კარი აგონდება. ხელმწი-
 ფობამ ვერაფერი არგო, ბედნიერება ვერ დაუბრუნა; სულ
 დაძმარებული ზის და იგონებს თავის წარსულს, თავის საყვა-
 რელ ცოლ-შვილს...

თითქმის ხუთმეტრი წელიწადი გავიდა. ერთ ღამეს, რო-
 გორც ხშირად მოსდიოდა ხოლმე, ხელმწიფეს მწარე ფიქრე-
 ბის გამო ძილი არ მოუვიდა. ადგა, დაიწყო სიარული ოთა-
 ხიდან ოთახში, ცდილობდა როგორმე გართულიყო, ნა-
 ღველი გულიდან გადაეყარა. კარებიდან ორი დარაჯის ჩუმი
 ღაპარაკი შემოესმა. ხელმწიფემ იფიქრა: „მოდი, ხომ ვერა-
 ვინა მხედავს, მივალ ამ კარებიდან, ყურს დავეუგლებ, ერთ
 თავისუფლად ნათქვამს სიტყვას მაინც გავიგებ, თორემ ჩემი
 ნაზირ-ვეზირების პირმოთნე ბაასის მეტი ხომ ამოდენა ხანია
 აღარაფერი მსმენიოა.“

მივიდა ფეხ-აკრებით, კარებთან აიტუზა და ყური მიუ-
 გლო.

V

— კაცო, რას გავჩუმებულვართ, — უთხრა თავის ამხანაგს
 დარაჯმა, — ღამეა, ძილი გვერევა; მოდი, მოვიგონოთ რამე,
 ვილაპარაკოთ, გავერთობით და ღამეც გაივლის. სთქვი რამე...

— ეჰ, ძმაო, რა ვითხრა? მე ჩემს სიცოცხლეში ტანჯვისა
 და ვაების მეტი არაფერი მინახავს, რად გინდა ჩემი დარდი
 თავზედ მოვახვიოა.



— შენ სიკეთე მითხარ, თორემ მუუხარება რომ ნახავს, შენ, გგონი, იმის ნათალიც არ გადაგხედიაო, — მიუგო პირველმა.

— თუ ასეა, მადი დაეიწყათ და მაშინ გავიგებთ, უბედურობაში ვის უფრო დიდი წილი აქვსო, — სთქვა მეორე დარაჯმა. პირველიც დაეთანხმა და მოჰყვა:

— მე მყავდა მდიდარი და ბედნიერი დედ-მამა. ჩვენი სახლ-კარი სავსე იყო აუარებელი დოვლათით. ყველა ჩვენ შემოგვნატრიდა და ჩვენ-კი სხვის შესანატრი არაფერი გვქონდა. მაგრამ ერთხელ მოულოდნელად ჩვენი ბედის ჩარბი უკუღმა დატრიალდა. ჯერ მომიკვდა დედა, შემდეგ დამხოცა უფროსი ძმები, დები; გაგვიწყდა ცხვარი, ძროხა, ცხენის ჯოჯი. შევჩრით მამას მხოლოდ მე, რვა წლის ბიჭი და ჩემ-ძმა, — შვიდი წლისა. მამაჩემს ისე გაუხდა საქმე, რომ ადგა თავის აოხრებულ ბინიდან და გადასწყვიტა სხვა ქვეყანას გადახვეწილიყო, რომ იქ მათხოვრობით მაინც ერჩინა თავი, რადგან მუშაობაც აღარ შეეძლო.

გაუდგა გზას მამა და თან გაგვიყოლია თავისი შვილები. ვიარეთ, ვიარეთ, მივადექით ერთ მდინარეს. მდინარე დიდი იყო და ფონი-კი არა ჩანდა. რადგან ორი ბავშვის ერთად გაყვანა შეუძლებელი იყო, ჯერ მე შემისვა მხარზედ გასაყვანად, ჩემი უმცროსი ძმა ნაპირზედ დასტოვა და შეტოპა წყალში. მდინარის შუა-გულს რომ მივადწიეთ, ტალღამ შემოგვეკრა, მამამ ხელი გამიშვა და ჩავეარდი წყალში. მატარა წყალმა, მატარა და ის იყო, უნდა კიდევ დამხრჩველიყავ, ერთმა მებადურმა ბადე მესროლა, დამიჭირა, გამიყვანა, მომასულიერა, მომიადერსა, გამაშრო და წამიყვანა თავისს სახლში. მებადური უშვილო აღმოჩნდა; მე მიშვილობა და გამზარდა, როგორც თავისი ლეიძლი შვილი. მაგრამ რაე-ქნა, რომ არ მავიწყდებო ჩემი დედმამა, ძმები, დები და ნამეტნავად თვალიდამ არ მშორდებიან მამა და ჩემი უმცროსი ძმა, რომელთაგან ერთი წყალში დავტოვე და მეორე

წყლის პირას; მათი დარდი ჩემს გულს ნისლივით გადაჭრა რებია და მღრღნის უწყალოდ, დაუზოგავად დღეცა და ღამეც. მინდა და ვერას გზით ვერ გამიგია, რა მოუვიდა მამაჩემს ჩემს შემდეგ, ისიც შთანთქა წყალმა, თუ გადარჩა? და თუ ვერ გადარჩა, რა დაემართა ჩემს უმცროს ძმას?

— ღმერთო, რა მესმის?!—უეცრივ შესძახა მეორე დარაჯმა ეგ უმცროსი ძმა მე ვარ! მაშ შენ ჩემი ძმა ყოფილხარ! ეგ შენი თავ-გადასავალი ხომ ჩემიც არის! მე რომ შენზედ წინ დამეწყო, სწორედ ასე გიამბობდი ჩემი მშობლების და ჩემს ცხოვრებას!

სთქვა ეს, თავი ველარ შეიმაგრა, ტირილი დაიწყო და ეცა პირველ დარაჯს,—გადაეხვია, ჰკოცნის და თან იმეორებს: „შენ ჩემი ძმა ყოფილხარ, ძმა ყოფილხარო“. როცა ცოტათი გული დაიმშვიდა, ახლა თვითონ დაიწყო თავისი თავ-გადასავალი:

— მეც, ჩემო ძმაო, თუმცა მაშინ პატარა ვიყავ, მაგრამ კარგად მახსოვს ეგ ჩვენი ამბავი, ვიდრე მამაჩემი წყლიდან გამოვიდოდა, ტყილამ მგელი გამოვარდა და გამიიტაცა. მიმარბენინებდა შესაკმელად,—მაგრამ, ჩემს იღბალზედ, თურმე იქვე მონადირე დაიარებოდა. დაენახა თუ არა, რომ მგელს ვეჭირე, სტყორცნა თოფი და იქვე გააგორა. შემდეგ მოვიდა ჩემთან, ხელში ამიყვანა, მომიალერსა, წამიყვანა სახლში და, რადგან უშვილო იყო, მიშვილობა; მერმე შენსავით ჯარში წასვლა მერგო და ჯარის კაცებს ხომ ზოგჯერ სასახლის დარაჯობაც შეხედებოთ ხოლმე და, იი დღეს, ღმერთმა, თითქო განგებ, დაკარგული ძმები ერთმანერთს-კი შეგვახვედრა!

ამ ლაპარაკს ყური უგდო ხელმწიფემ, ყველიაფერი ენიშნა; მიხვდა, რომ ეს ნამდვილი მისი შვილები იყვნენ; თავი ველარ შეიმაგრა, ფიცხლავ კარები გააღო, ეცა ორთავეს და შეჰმბლავლა:



— მოდით, ჩემო შვილებო, დაკარგული შეიღწეო
ლმერთო, რას ვხედავ!? რას მომისწარ?!
შეიღწეო მამა

ვხვევა ხელმწიფე თავის შვილებს, ტირის, ჰკოცნის და
ველარ გამძლარა მათი აღერსით.

დარაჯებიც მალე დარწმუნდნენ, რომ ხალმწიფე ნამ-
დვილი მათი მამა იყო. დაიწყეს მას შემდეგ ტკბილი ცხოვ-
რება და ერთმანეთთან შეხვედრისთვის ღმერთს მადლობას
სწირავდნენ.

6—მან.



დაიხედავს მამა დედას მხრის-გაფრთხილებით და აღმოაჩინა
სი მამა, რომელთაგან ერთი წყალში დაიხრევა და იშრება



სელქის დღიურიდან

გაბბერტონისა.

თავი III

მამიდასა.



უშინ ლამით მიტომ ვერ განვაგრძე ჩემი მოთხრობა, რომ საწოლი ოთახის იატაკიდან თავი გამოძვრა; მე დევნა დაეუწყე, ვესროლე წალა და პირისაბანი გაეტეხე; თავი-კი ვერ მოვკალი.

ახლა განვაგრძობ. მე და სადგურის უფროსი ძალიან დამეგობრდით. მე იმას ყველაფერი უუამბე; ჩემს დებზე, მამიდა ბეტსიზე—ყველაფერი, სულყველაფერი! იმასაც ძალიან შევებრალე, გზის ფული არ გამომართვა და მოთმენას



მირჩევდა: „მე რომ შენოდენა ვიყავ, — ყოველ დღე მცემდნენ, მაგრამ არაფერი, მივეჩვიე! ბაყაყი ქაობში იმიტომია, რომ, მას ტყავი აძრონ; შენ შენი დების ბედის ჩამშლელი ნუ იქნები; ამერიკაში ომს შემდეგ საქმროები ძლიერ გაძვირდნ და გასათხოვარი ქალები კი ბევრიაო“.

რა კეთილი რამ არის! სიკვდილამდე არ დამავიწყდება იმისი სიკეთე. დილის ცხრა იყო, ხოპერტუანში რომ მივედი; გამოვძვერ ვაგონიდან, დიდი ხნის მეგობარსავით მაგრა ჩამოვართვი ხელი სადგურის უფროს და გამოვეთხოვე. მეც უთუოდ სადგურის უფროსი ვიქნები, როცა გავიზდები. რა სასიამოვნო ხელობაა! ისეირნე მატარებლით იქით-აქეთ...

სადგურთან ვილაც ბავშები თამაშობდნენ და ძალიან გაუკვირდათ ნახშირის საზიდ მატარებლით ჩემი მისვლა. მაშინვე გამიცნეს და სათამაშოდ მიმიწვიეს. „მოდი, ცოტას წავითამაშებ“, — ვიტყვრე, — „მამიდას ჯერ ალბად სძინავს; იმის გახარებასაც მოვესწრობი“. მაგრამ ბავშები ისეთი საძაგლები ყოფილიყვნენ, ისეთი უზრდელები!.. მომპარეს ფულები, დამიხიეს ხალათი და ამომსვარეს ტალახში. ტყუილად კი არ დაუწერიათ ერთ ჩემს წიგნში: „უფრთხილდი სხვის ძაღლებსაო“.

შუადღისას, როგორც იყო, მივალწიე მამიდასას. სიმშლილი მხოლოდ მაშინ ვიგრძენ, როცა სამზარეულოდან ტკბილი ხაჭაპურების სუნი მეცა. მამიდა მარტო სადილობდა.

— ძაღლო ცათანო! ეორე ხაკეტი! — შეჭყვირა მამიდა, ხელიდან დანა გაუვარდა და თეფში გატეხა. — საიდან სადო? ვინ დაგახია ტანისამოსი? ვინ დაგაკაწრა პირისახე?

— მამიდა! მე სიცრუე არ ვიცი. შინიდან გამოვიპარე.

— გამოიპარე!!! გამოიპარე ისეთი მშვენიერი სახლიდან! გამოვიპარე ისეთ კეთილ მამას, საყვარელ დედას და ისეთ...

აქ კი ენა დაება, თითქო დაიბრჩო; ალბად საცეკვაო საღამო მოაგონდა.

— ახლა კი მესმის. შენი დები მოსვენებას არ მოგცემ-

დნენ. ის ქალბატონები ვის არ ამოაკვეთინებენ ფეხს სახლიდან! შიამბე, ჩემო საწყალო ბაპო, შენი თავგადასავალი!

მეც ყველაფერი ვუამბე; ვაჩვენე ჩემს ტანზე სისხლიანი ღარები, მიზეზი მისი გაჯავრებისა და ჩვენი სახლიდან წამოსვლისა. როცა სურათების ამბავი ვუთხარი, მოხუცის სახეზე ღიმილი შევნიშნე. ეტყობოდა, იამა ჩემი დების მახეში გბმბა.

— ჟორჯიკ, შენ ძალიან ცუდად მოქცეულხარ, მაგრამ ბავშვები ცელქობაში იზრდებიან. გმადლობ, რომ არ დამივიწყე; ძალიან მიხარია შენი ნახვა. აბა, გაიქე ჩქარა სამზარეულოში, ხელ-პირი დაიბანე და მოდი, სადილი სჭამე, თორემ წიწილი გაცივდება.

— მამიდა, მაძლევ სიტყვას, რომ არ შეატყობინებ ჩვენებს ჩემს აქ ყოფნას?

— ფიქრი ნუ გაქვს, ისინი ჩემგან ვერაფერს შეიტყობენ.— გადაქრით მითხრა მოხუცმა.— შენ ჩემთან იცხოვრებ, სანამ დიდი არ გაიზრდები.

როგორც ხედავთ, მამიდა ძალიან გაჯავრებული იყო ჩვენებზე, რადგანაც ჩემს დებს არ უნდოდათ მისი სალამოზე დარჩენა. ისე მაძალბებდა საკმელებს, რომ ხაკაპურის მესამე ნაქერს ველარც კი ვაჯობე. ხალვით თავისი ხელით დამიკერა და საშინლად მეფერებოდა. სალამოს, იმავე დღეს, მამაჩემისაგან ტელეგრაფმა მოვიდა.

„თქვენსა არის ჟორჯი?“

„თქვენ როგორ გგონიათ?“ უპასუხა მამიდამ.

ახლა კი დარწმუნდებიან, რომ მე აქ არა ვარ.

დამავიწყდა მეთქვა, რომ მე თან წამოვიღე ჩემი დღიური ცხვირსახოცში გახვეული, სუფთა პერანგი და ერთი წყვილი წინდა. ღამით, სანამ წერას შევუდგებოდი, დავუწყე დევნა თავებს და ალთათა გავტეხე ძველებური, ჩინური ძვირფასი ფაიფურისა. მამიდა ისე გაჯავრდა, რომ შემეშინდა,— სახლიდან არ გამავდოს მეთქი.

— ორი დღეა, რაც აქა ვარ. ღმერთო ჩემო, რა უბედურებაა! ისე მამუშავებს მამიდაჩემი, როგორც ყმას. ვციცქნი



პატარპატარა ნაწილებად ფორთოქლის კანს და ზეფურსს
 ცერცვს. შეეც რას წარმოვიდგენდი! ჩვენსა ამას მზარეული
 აკეთებს. ბავშვებთან თამაშობის ნებასაც არ მძღვეს. ორ
 ჯერ-სამჯერ სადგურზე გავიპარე: სულ ჩემს საყვარელ ნაც-
 ნობ „უფროსს“ ვეძებ: მინდა ვსთხოვო, რომ უკანვე წა-
 მიყვანოს, ჩვენებთან. დარწმუნებული ვარ, უარს არ შეტყვის
 ძნელი რამ ყოფილა მშობლების მოშორება!

გავიდა კიდევ ოთხი დღე და ღამე! დრო სულთა მზუ-
 თავად გძელდება. სასოწარკვეთილღებაში ვვარდები; ვზივარ
 უფულოდ, უმეგობროდ; რკინის გზის სადგურის უფროსი
 ვერას გზით ვერ ვნახე. დღეს თორმეტი ჯამი მოცვი უნდა
 გავარჩიო. ჩემი სიამაყე შელახულია, ამისთანა სამარცხვინო
 საქმით. ოჰ, ნეტავი ცალი თვალთ მაინც დამანახვა ჩვენი
 სახლი—ფფიცავ, სამაგალითო ბავში გავხდები! მაგრამ რას
 მიშველის ეს აღთქმა? ეჰ, შეეწვეტ დღიურის წერას. მგო-
 ნია, მას, როცა ოთახიდან გავდივარ, მამიდაჩემი კითხულობს
 ჩემს გულში ნადებს.

... რა ბედნიერი ვარ! წადილი ამისრულდა, შინა ვარ.
 როცა მომავონდება მშობლურ ქერ ქვეშ ჩემი დაბრუნება,
 თვალები ცრემლებით მეფსება. მამაჩემმა აღტაცებით მომიყ-
 ვანა თვითონ ეტლით. ცრემლ მორეულმა დედამ გულში ჩა-
 მიკრა, დები კოცნით მახრჩობდენ, ჩვენი მზარეული სიზა-
 რულით ხტოდა და კალთით ცრემლებს იწმენდა. მთელი
 ქალაქი გაცოცხლდა, შეიძრა, როცა ჩემი დაბრუნება გაიგეს.
 სადგურზე მრავალი ხალხი დამხვდა! რა დღე იყო! მამა ძლიერ
 გაუჯავრდა მამიდას, როცა ჩემს წამოსაყვანად მოვიდა. სუ-
 ყველას ეგონა, რომ მე ან მკვდარი ვიყავ, ან ბოშებმა მო-
 მიტაცეს. იცით, როგორ ვიწოვე დეპეშის გასაგზავნი ფული:
 მამიდამ ერთი გობი მოცვი მომცა გასახმობად, მე კი გავყი-
 დე და მამას ტელეგრაფით ვაცნობე:

„მამიდასთან ვარ. თუ გიყვარდეთ, მოდით წამიყვანეთ
 თქვენი თორეკი“.

რა საყვარლებია ჩემი დები, არასოდეს არასოდეს გავაჯერებ. გადაწყვეტილია, სამშობლოს მამას, *) უნდა მივბაძო, რომ კვიანი და კეთილი ბავში გაეხდე.


ვიმ, რა ჩინებულად გავატარე ეს დღე! აღარავინ ლანძღავდა, აღარავინ სცემდა და ჯერ კიდევ დაღამებამდის დასაძინებლად აღარავინ გზავნიდა უორეკს. მამა შემდეგი კვირისათვის ველოსიპედს დამპირდა. თუმც პატარა ვარ, მაგრამ ისე შექცევთან როგორც დიდს.

ი. ნიკოლაიშვილი.

(შემდეგი იქნება)



*) უორეკი ასე ეძახოდა პრეზიდენტ გარდოულს.



ზაფხული

ზათენდა და გაანათა,
 აბა, ბიჭო, ნამგაღს ხელი!
 აღრიანად მივესიოთ,
 ყანა გველის მოსამკელი!

ტორღლამაც ფრთა გაშალა,
 დასრიაღებს მალლა ცაში,
 ის ბანს ეტყვის ჩვენს სიმღერას
 ამ დალოცვილ ყანის მკაში!

თოხი, ბარი და ფიწალიც
 დატრიალდა მთა და ბარში.
 ზაფხულია, დავეშუროთ,
 შევიტანოთ სარჩო სახლში!

ი. ევდოშვილი





შ. პერონიკას ჩაღრი

სელმა ღაკერღეფისა

(გაგრძელება*)



ამდენიმე კვირის შემდეგ იმპერატორის ერთი მონათაგანი საბინის მთებში განმარტოებით მდგომარე ქოხისაკენ მიეშურებოდა სალამო იყო, და მევენახე და მისი ცოლი ქისკარზე იღვინენ და შორს დასავლეთისაკენ ჩამავალ შზეს უყურებდნენ. მონამ გზას გადმოუხვია,

მიუახლოვდა ქოხს და სალამი უძღვნა. შემდეგ სარტყელში გამაგრებული პარკი ამოიღო და მევენახეს ჩაუღო ხელში.

— ამას გიგზაენის ფაუსტინა, რომელსაც თქვენ სიკეთე უყავით. შემოგითვალა ამ ფულით ვენახი შეიძინე და სახლი იშენე, ასე მალეა მთაში კი არა, როგორც ეს არწივის ბუდეა.

— მაშ ფაუსტინა ცოცხალი ბრძანდება? — ჰკითხა მევენახემ. — ხრამი აღარ დამრჩა ამ მთაში, რაკი აღარ დაბრუნდა, ვიფიქრე, უთუოდ სადმე ხრამში დაღუპა ან მთაში გზა დაებნა-მეთქი.

— გახსოვს, არ მეუბნებოდა გული, რომ მომკვდარიყოს! არ გეუბნებოდი, იმპერატორთან დაბრუნდებოდა-მეთქი? — უთხრა ცოლმა.

— მართალია, — დაეთანხმა ქმარი, — პულამ მაგას მეუბნებოდი, და მეც მიხარის, რომ შენი სიტყვა გამართლდა, არა იმიტომ, რომ ფაუსტინა კვლავ მდიდარი შეიქნა, და შეუძ-

* იხილე ნაკადული № 2.

ლია გამოგვიყვანოს აუტანელ სიღარიბიდან, არამედ თვით
საბრალო იმპერატორისათვის;

მონას მაშინვე უნდოდა წასვლა, რომ ნათლით გასცი-
ლებოდა ამ უღაბურს, მაგრამ კოლ-ქმარმა არ გაუშვეს.

— ჩვენთან უნდა დარჩე აპალამ. ვერ გაგიშვებთ, სანამ
არ გვიამბობ ყველაფერს, რაც ფაუსტინამ განიცადა. რად დაბ-
რუნდა იმპერატორთან? როგორ შეხვდენ ერთმანერთს? ბედ-
ნიერია ეხლა, რომ თავის გაზრდილთან არის?

მონა დაჰყვა და ვახშამზედ რომ ისხდნენ უამბო იმპე-
რატორის ავადმყოფობა და ფაუსტინას დაბრუნება. გაათავა
და გაკვირვებული დარჩა: კოლ-ქმარი გაუნძრევლად ისხდნენ
თავზარდაცემულნი. თვალები ძირს დაეხარათ, თითქო სახეზე
გამოხატულ მოღვარების დაფარვა მსურთო.

ბოლოს, ქმარმა წამოიწია და კოლს მიუბრუნდა:

— რას იტყვი, ღვთის განგება არ არის? ესა?

— სწორედ! — უპასუხა კოლმა. — ღმერთმა უთუოდ მაგი-
ტომ მოგვავლინა ზღვით ამ ქობში. უთუოდ მისი ბრძანებით
დააკაცუნა ფაუსტინამ ჩვენი ქობის კარი.

მევენახე კი ისევ მონას მიუბრუნდა.

— ძმობილო, გადაეცი ფაუსტინას ჩემი მადლობა და
სიტყვა-სიტყვით უთხარ ჩემი ნათქვამი: „აი, რას გატყობი-
ნებს შენი მეგობარი მევენახე საბანის მთიდან. შენ გინახავს
ჩემი კოლი. ხომ ლამაზი და ჯან-ლონით სავსეა? მაგრამ წი-
ნეთ იგი იმავე სენით იყო შეპყრობილი, რომელიც ამ ეამად
ტიბერსა სკირს.“

მონა გაკვირვებული იყო; მევენახე კი უფრო გადაჰკრით
განაგრძობდა:

— თუ ფაუსტინამ არ დაიჯერა ჩემი სიტყვა უთხარ, რომ
მე და ჩემი კოლი აზიიდან, პალესტინიდან ვართ მოსულები,
იმ ქვეყნიდან, სადაც ეს სენი ძლიერ ხშირია. იქ კანონადაა
დადებული, რომ ამ სენით შეპყრობილნი ქალაქებიდან და
სოფლებიდან გაძევებულ უნდა იქმნან და იცხოვრონ უღაბურ

ადგილებში, ან სასაფლაოზე და მთის კალთებზე. უთხარ ფაუსტინას, რომ ჩემი ცოლის შშობლები ავად იყვნენ, და იგი მთის მღვიმეში დაიბადა. სანამ ბავშვი იყო, ჯან-სალი იყო, მაგრამ როდესაც წამოიზარდა და გასათხოვარი ქალი გახდა, მაშინ შეიპყრო ამ სენმათქო.

მევენახის ამ სიტყვებზე მონას გაეცინა და თავის ქნევით უთხრა:

— მერე შენ გინდა, რომ ფაუსტინამ ეგ დამიჯეროს?! შენი ცოლი გაფურჩქენილი და ჯან-ღონით სავსე უნახავს? განა არ იცი, რომ ამ სენის წინააღმდეგ არც ერთი საშუალება არ მოკმედებს. მაგრამ მევენახე თავისას არ იშლიდა.

— უკეთესი იქნება, რომ დაერწმუნოს ჩემს სიტყვას. გარდა ამისა, არც უმოწმობდა ვარ. ვაგზავნოს შიკრიკი ნახარეთში, გალილეიაში! იქ, ვინც გინდათ, დაამტკიცებს ჩემს ნაამბობს.

— იქნება შენი მეუღლე რომელიმე ღმერთის სასწაულითაა განკურნებული?— იკითხა მონამ.

— დიახ!— უპასუხა მევენახემ, — სწორედ ისე იყო, როგორც შენა სთქვი. ერთხელ უდაბნოში მყოფ კეთროვანთა შორის ხმა გავრცელდა: „ამბობენ, ქალაქ ნახარეთში, გალილეაში, ძლიერი წინასწარმეტყველი მოვლენილა. მასზე სული წმინდის ძლიერებაა გადმოსული, და ერთი ხელის შეხებით შეუძლია განდევნოს თქვენი სენიო“! მაგრამ სასოწარკვეთილნი ავადმყოფნი არ იჯერებდნენ ამ ამბავს. „ჩვენ ვერავინ ვაგვეკურნავსო“! მაგრამ სწულთა შორის იყო ერთი ქალი, რომელსაც სწამდა, ის განშორდა სხვებს, რომ მოეძებნა გზა ნახარეთისა, სადაც წინასწარმეტყველი ცხოვრობდა. და ერთხელ, როდესაც დიდ მინდორში მიდიოდა, დაინახა კაცი, მაღალი ტანისა, ფერმიხდილ სახით, და ძირს დაშვებულ, გიშერისხავით შავი ხუჭუჭი თმით. შავი თვალები ვარსკვლავებისავით ელვარებდნენ და თავისაკენ იზიდავდნენ ქალს. ჯერ არც-კი მიახლოვებულა იყო, რომ ქალმა დაუყვირა: „ახლო არ

მომეკარო, რადგანაც სენი მკირს! მითხარი მხოლოდ, შემიძლია ვნახო ნაზარეველი წინასწარმეტყველი? ის კაცი-კი პირდაპირ მისკენ მიეშურებოდა და, როცა ძლიერ დაუახლოვდა, ჰკითხა: „რად ეძებ ნაზარეველ წინასწარმეტყველს?“ — „ვეძებ იმიტომ, რომ შუბლზე ხელი დამადოს და გამკურნოს“. მაშინ კაცი მივიდა მასთან და შუბლზე ხელი შეახო. მაგრამ ქალმა უთხრა: „რა სარგებლობას მომიტანს შუბლზე შენი ხელის შეხება?! შენ ხომ წინასწარმეტყველი არა ხარ?“ კაცმა ღიმილით უპასუხა: „წადი აგერ იმ შთის კალთაზე გაშენებულ ქალაქში და ეჩვენე მღვდლებს!“

კეთროვანმა ქალმა იფიქრა, დამკინისო; ამისაგან, როგორც ჩანს, ვერაფერს გავიგებო, და ვხას გაუდვა. დაინახა სანადიროდ გამოსული მხედარი მინდორში. როცა სალაპარაკოდ დაუახლოვდა, ქალმა დაუახლა: „ახლო არ მოხვიდე! შენ-სნეული ვარ. მითხარი მხოლოდ, სად არის ნაზარეველი წინასწარმეტყველი?“...

— შერე, რად გინდა ის წინასწარმეტყველი? — ჰკითხა მხედარმა და თან დაუახლოვდა.

— შემახოს თვისი ხელი და გამათავისუფლოს სენისაგან! მხედარმა უფრო წინ მიიწია.

— რა სენისაგან უნდა გამათავისუფლოს? — უნ ხაეკიმო არა გკირს-რა?!

— ნუ თუ ვერა ხედავ, რომ მე კეთროვანი ვარ? კეთროვანი შშობლებისაგან დავიბადე კლდის მღვიმეში. მაგრამ მხედარი თანდათან უფრო უახლოვდებოდა, რადგანაც ქალი მგზნებარე სახისა და ახლად გაფურჩქნეილ ყვავილისაგვით ღამაში იყო.

— შენ უფლამაზესი ასული ხარ მოიღს მურთასტანში! — წამოიძახა მან.

— კმარა! ნუ დამკინი! — მცუ ვიცი, რომ სახე სენმა დამიძახინჯა, და ხმა ტყის ნადირის ღმუილსა მიგავს!

მაგრამ მხედარმა ღრმად ჩაიხედა მის თვალებში და უთხრა: „შენი ხმა-კენჭებზე მსრბოლ, ვახატულის წყაროსავით წკრიალია, სახე შენი უღალია, ვითა ნაზი აბრეშუმი!“

ამ ჟამად მხედარი ისე ახლო იყო, რომ ქალს შეეძლო დაენახა თავისი სახე მოვლვარე არშიაში, რომელიც მის უნაგირს ამშვენებდა.

— აქ ჩაიხედე და დაინახე შენი სახე, — უთხრა მხედარმა. ასეც მოიქცა ქალი, და დაინახა სახე, ნაზი და კეკლუცი, ვითა ახლად გაშლილი, პაწაწა ფრთა პეპელისა.

— ამას რას ვხედავ? ეს ჩემი სახე არ არის!

— სწორედ ეგ არის შენი სახე.

— მაგრამ ჩემი ხმა? ვანა ხრინწიანი არ არის? ვანა აღმართზე ძლიეს-ძლიევობით მიმავალ ურემივით არა ვკრიალებ?

— არა, იგი წკრიალებს, როგორც საკრავის უნახესი სიმი, — უპასუხა მხედარმა. ქალი მოტრიალდა.

— იცნობ იმ კაცს, აგერ ორ მუხას რომ ეფარება? — ჰკითხა მხედარს.

— ეგ არის ის, ვისაც შენ წინედ კითხულობდი, — ნაზარეველი წინასწარმეტყველი, — უპასუხა მხედარმა. თავზარდაცემულმა სახეზე ხელი მიიფარა, თვალთ ცრემლი მოერია. „ჰოი, წმიდაო! ჰოი, ღვთის ძლიერების მატარებელო! — წამოიძახა ქალმა: — შენ გამკურნე სენისაგან“!..

მხედარმა ცხენზე შეისვა ქალი და მთის კალთაზე გაშენებულ ქალაქში მიიყვანა და მასთან ერთად ერის უფროსებთან და მღვდლებთან წავიდა ამ ამბის მოსათხრობად. დაწვრილებით ჰკითხავდნენ ამ ამბავს, მაგრამ, როცა გაიგეს რომ ქალი უდაბნოში დაიბადა ავადმყოფ მშობლებისაგან, არ დაიჯერეს.

— დაბრუნდი ისევ იქ, საიდანაც მოსულხარო, უთხრეს: — თუ სნეული იყავი, მთელი შენი სიცოცხლე სნეულადვე დარჩი! ქალაქში შემოსვლის ნება არა გაქვს: ჩვენც არ გადაგვედოს შენი სენიო!...

ქალმა უპასუხა: „ვიცი, რომ ჯან-მრდელი ვარ, რადგანაც ნაზარეველმა წინასწარმეტყველმა თავისი ხელი შეახო ჩემს შუბლს.“

ქალის ამ სიტყვებზე ერთხმად შეჰყვირეს: „ვინ არის ის, რომ უწმინდურებს წმინდად აქცევს? ეს ბოროტი სულის

ხრიკებია, დაბრუნდი შენს მშობლებთან, თორემ ყველა ვილუბებით“!

არ იცნეს იგი სენისაგან განთავისუფლებულად და ქალაქში ყოფნის ნებაც არ მისცეს. განაცხადეს, რომ ყველა ის, ვინც მას სტუმრად მიიღებდა,—ყველა კეთროვანი იქმნებოდა.

როდესაც ქურუმებმა ეს განაჩენი გამოაცხადეს, ქალი მიუბრუნდა კაცს, რომელიც მინდორში შეხვდა, და უთხრა: „სად წავიდე ახლა? განა ისევ უდაბნოში უნდა დავბრუნდე კეთროვანებთან“?

მაგრამ კაცმა ისევ ცხენზე შეისვა და უპასუხა: „რა თქმა უნდა, არა! შენ მღვიმეებში არ დაბრუნდები სნეულებთან! უკეთესია სხვა ქვეყანაში წავიდეთ, ზღვის იქეთ, სადაც არ არის კანონი უწმინდურთა განდევნისა. და ორივენი“...

მაგრამ მონა წამოდგა და ამბავი შეაწყვეტინა.

— შემდეგი საჭირო არ არის, — უთხრა მან:— წავიდეთ, პატარა მანძილი გამაცილო, რადგანაც შენ კარგად გეცოდინება აქაური გზა ქალაქისაკენ. საჭიროა დღესვე უკან დავბრუნდე უთენებლივ. იმპერატორმა და ფაუსტინამ დაუყონებლივ უნდა გაიგონ ყველაფერი, რაც შენ მიახმე.

როცა მევენახემ გააცილა მონა, აჩვენა ქალაქის გზა და შინ დაბრუნდა, ცოლს ჯერ არ ეძინა.

--- ვერ დამიძინია! — უთხრა ქალმა: — სულ იმაზე ვფიქრობ, თუ როგორ შეხვდებიან ერთმანერთს... ერთი რომელსაც უყვარს ყველა ადამიანი, და მეორე, რომელსაც ეზიზღება და სძულს ადამიანი.

პავ. დ—ძე

(შემდეგი იქნება)





ივანე გიორგის-ძე მაჩაბელი

ივანე გიორგის-ძე მაჩაბელი დაიბადა 27 იანვარს 1854 წელს ქართლში, სოფელს თამარაშენს. მამა მისი ჯერ დიამბეგად იყო, მერე მაზრის უფროსის თანაშემწედ. ივანეს დაბადების დროს კი ჯარში იყო, ოსმალებთან ომის დროს რიონის რაზმში ივანე მალხაზის-ძის ანდრონიკაშვილის ხელქვეით და უფროსობდა ოსების რაზმს. დედა მისი, რომელიც ამ ჟამად ცოცხალია და ცხოვრობს თამარაშენში, ერევან-ცოვის ქალია.

ვანო, პატარაობითვე მკვირბლი, მალხაზი და მეტის-მეტი ხალისიანი ბავშვი იყო. ცხრა წლამდის სოფელში იზრდებოდა. ხუთის წლისას დააწყებინეს ქართული ანბანი. მისწავლებლად მას, უფროს ძმას ვასილს და დას დარიას ჰყავდათ მოხუცი პაპიდა, ღიასამიძის ქვრივი ელენე, რომელიც საუცხოვოდ იცნობდა როგორც საერო, ისე სასულიერო ლიტერატურას. აი ამ მოხუცის წყალობით პატარა ვანომ შეისწავლა როგორც ხუცური, ისე საერო ანბანი. ეჭვის წლისა იყო, რომ ჩინებულად კითხულობდა ქართულს. რვა წლისას კი წაკითხული ჰქონდა რაც სახლში ქართული წიგნები მოიპოვებოდა: „ვეფხვის ტყაოსანი“, „ყარამანიანი“, „ბარამიანი“, „დავრიშიანი“, „ვისრამიანი“ და სხვ. შეიღი წლიდან ხშირად ეხმარებოდა ეკლესიაში დიაკვნს და ხანდახან სამოციქულო-საც კითხულობდა წიგნებზედ როგორც სოფელში, ისე მასუ-კან ქვაშეთის და ორბელიანების ეკლესიებში მამა ძალიან ხელმოკლე კაცი იყო. როდესაც ვანო 9 წლისა შესრულდა, მისი უფროსი ძმა ვასილ გიმნაზიაში სწავლობდა. თითონ ვანომ მოსწერა მამას წერილი, — უსწავლელად წუ დაშტოვებო“ — მამამ გაგზავნა უფროსი ვაჟი და ვანო ქალაქს ჩამოიყვანეს.

მამას ეჭირა პატარა სადგომი და აი იქ მოთავსდა იგი თავის ორი შვილით. პაწია ვანომ ძმის დახმარებით დაიწყო

რუსული ენის სწავლა და ისეთი ნიქი გამოიჩინა, რომ ერთ წელიწადს მეორე კლასისათვის მოემზადა და ისე მშვენივრად დაიჭირა უგზამენი, რომ პანსიონში სახელმწიფო ხარჯით მიიღეს.



თექვსმეტის წლისა იყო ვანო, რომ საჩუქრით გიმნაზია დაასრულა. რადგან პაშინ ჩვიდმეტ წლამდე უნივერსიტეტში არ იღებდნენ, ამიტომ სახელმწიფო ხარჯზედ ველარ გაიგზავნა. წავიდა სოფელში და იქ ერთი წელიწადს დაჰყო. ამ ერთ წელიწადს ვანომ მშვენივრად შეისწავლა ფრანგული ენა. მისმა ძმამ ვასილმაც ამ დროსთვის დაამთავრა სწავლა უნივერსიტეტში, მაგრამ უსახსრობის გამო ველარ დაბრუნდა და იქ დარჩა სამსახურში. იგი ხშირად სწერდა ძმას ვანოს, როგორმე

ეშოვნა გზის ფული და მისულიყო პეტერბურგს, მაგრამ იმ დროს მისი მამა ისე იყო გაქირებული და ვალეზში ჩავარდნილი, რომ ველარ შესძლო უმცროსი შვილის გაგზავნა. ამ დროს ვანომ იშოვნა გაკვეთილი, რამდენსაჲმე თვეში მოაგროვა ფული და 1871 წელს გაემგზავრა პეტერბურგს. აქაც თავისებურად ბეჯითად შეუდგა სწავლას. ოთხის წლის შემდეგ მშვენიერად დაამთავრა სწავლა და ამასთან ფრანგულის გარდა, გერმანული და ინგლისური ენებიც შეისწავლა.

ვანოს მოსვენებას არ აძლევდა აზრი საზღვარ-გარედ წასვლისა. ბოლოს როგორც იყო, ძმამ ეშოვნა ფული და გაემგზავრა. მან აირჩია გერმანიაში ტოგენგეიმის აკადემია, შტუტგარდის მახლობლად, სადაც შეუდგა მეურნეობის შესწავლას. მთელი ორი წელიწადი დაჰყო ამ აკადემიაში, შემდეგ გაემგზავრა საფრანგეთში, ვიბოდირში რამდენსაჲმე თვით მევენახეობის შესასწავლად. დაესწრო მასთან ერთად პარიზის მსოფლიო გამოფენას 1878 წელს. ამის შემდეგ პეტერბურგს დაბრუნდა.

ვანოს ცოცხალმა ბუნებამ დასვენება არ იცოდა. მან განიზრახა სტუდენტების დახმარება და ამ აზრით წარმოდგენის გამართვა. ამისათვის ძმებმა აირჩიეს „მზის დაბნელება“, შეადგინეს სტენის მოყვარეთა წრე მომღერლებით, დუდუკით და საზანდრებით და ბოლოს გაგარინის დარბაზში 1879 წელს გამართეს წარმოდგენა. ეს იყო პირველი ქართული წარმოდგენა პეტერბურგში.

აქ პირველად გაიცნო ვანო ილია ქავჭავაძემ და ძრიელ სასიამოვნოდ დაჩაა ამგვარად მომზადებულ და უცხო ენების მკოდნე ყმაწვილი კაცის ნახვა. ამავე დროს განიზრახეს დიდებულ პოეტის შექსპირის პიესის „მეფე ლირის“ გადმოთარგმნა. ორივემ საუცხოოდ იცოდა ქართული ენა. ვანომ, ამას გარდა, ინგლისურიც იცოდა. შრომის-მოყვარეობა არც ერთს არ აკლდა და, თუ არა ვცდები, ხსენებული პიესა ორს ხუთ სამს თვეში გადმოთარგმნეს. დაბრუნდა ტფილისს ვანო 1879 წელს, ზაფხულს.



ჩვენმა საზოგადოებამ დიდის თანაგრძნობით და ღრმად მიიღო ვანო. არ ვასულო რამდენიმე თვე, რომ იგი სათავად-აზნაურო სკოლის ინსპექტორად დანიშნეს. ინსპექტორად დიდხანს არ დაყო. ილია ჭავჭავაძემ ურჩია ბანკში შესულიყო კასირად და ამისთან ეწარმოებინა ეურნალი „ივერია“, რომელიც ილია ჭავჭავაძის რედაქტორობით გამოდიოდა. მთელი ორი წელიწადი აწარმოვა ვანომ ეს ეურნალი; შემდეგ იგი დამფასებლად აირჩიეს ბანკში. ამ თანამდებობის დროს დიდის ხალისით მოგზაურობდა საქართველოს სხვა და სხვა კუთხეში, იკვლევდა ყველაფერს, როგორც ხალხის ეკონომიურ მდგომარეობას, ისე მისს ხასიათს, ბუნების სიმდიდრეს და სხვას. ვანო მონაწილეობას იღებდა თითქმის ყველა ჩვენ საზოგადო დაწესებულებაში და ნაყოფიერადაც მუშაობდა. დამფასებლად ვანო ცოტა ხანს დარჩა, მალე იგი ბანკის გამგეობის წევრად აირჩიეს.

ამ ხანებში ვანომ ზოგიერთ პირების დახმარებით შეისყარა განსვენებულ სერგეი მესხის ვაზეთი „დროება“. აქედან იწყება მისი რთული მოღვაწეობა როგორც ბანკში, ისე სალიტერატურო ასპარეზზე და სხვა და სხვა დაწესებულებაში. ამ ხანში მან გადმოთარგმნა ინგლისურიდან შექსპირის უკვდავი თხზულებანი: „ჰამლეტი“, „ოტელო“, „იულიოს კეისარი“, „შეგები“, „რიჩარდ მესამე“ და სხვა. გადმოთარგმნა აგრეთვე ჰატარა პიესები იტალიურიდან და ესპანიურიდანაც; საზოგადოდ, ვანო მაჩაბელს დიდი ნიჭი ჰქონდა ენების სწავლაში, ქართული ენა ხომ ზედ-მიწევნით იცოდა.

ის დიდი მოყვარული იყო თავის ერის და უანგაროდაც შრომობდა ამ ერის წარსამატებლად. იშვიათად მოიპოვებდა ისეთი აღფრთოვანებული, საზოგადო საქმით გატაცებული და დაუღალავი მშრომელი, როგორც მაჩაბელი იყო. როგორც აღამიანი, იგი პატიოსანი, გულწრფელი და მეტად უანგარო კაცი იყო.

ივანე მაჩაბელს დარჩა ქერივი და ორი შვილი—ქალ-ვაჟი. მისი ვაჟი ჩვენი ეურნალის „ნაკადულის“ ერთი ნიჭიერი და ერთგული თანამშრომელთაგანია.

სოლომონ გოზაძე


(ნეკროლოგი)

სოლომონ ესტატის ძე გოზაძე დაიბადა თელავში 3 აპრილს 1880 წელს; აქვე გაატარა თავისი სიყმაწვილე და ჯერ ისევ პატარაობაშივე ეტყობოდა, რომ დიდი ნიჭით იყო დაჯილდოვებული. ცხოვრებაში გამოსვლისათანავე იყო ჩვენის მწერლების შესწავლა; იმის უმთავრეს ყურადღებას ლექსები იპყრობდა. ამავე დროს დაიწყო სტენაზე გამოსვლა; და იმის მეთაურობით, სახალხო წარმოდგენები იმართებოდა. ეს ორი წელიწადია ბიბლიოთეკის გამგედ იყო ამორჩეული. ყოველ საზოგადო საქმეს სიყვარულით და ენერგიით ეპყრობოდა და იმ დღიდან, რაც ნაკადული გამოვიდა, უკანასკნელ დღემდე ერთგული თანამშრომელი იყო ჩვენი ჟურნალისა, რომელსაც ხშირად ამზღვევებდა თავის ლექსებით.



ეს სიკაცხლით სამსე ყმაწვილი ვაკი ამ გავზაფხულს გამოეთხოვა ქვეყანას. მაგრამ იმედია რომ „ნაკადულის“ მკითხველებს ხსოვნაში სამუდამოდ დარჩება ახალგაზრდა პოეტის ხსოვნა.





წერილები

ფიზიოლოგიიდან

(წერილი მეხუთე)




ოგორც უკვე დავინახეთ, საზრდო იხარშება კუჭში და ნაწლევებში, ითქვიფება და სითხედ გადაქცევა. აქედან სადღა მიდის ეს საზრდო? ყოველ დღე რომ ავწონოთ საზრდო, რომელსაც ჩვენ ვღებულობთ და აგრეთვე ის უფარგისი ნაწილი ამ საზრდოსი, რაც

განაეალის სახით ჩვენს ტანს შორდება, დავინახავთ, რომ განსხვავება დიდია; დავრწმუნდებით, რომ საზრდოს დიდი ნაწილი ყოველ დღე სადღაც ქრება ჩვენს აგებულებაში. სად მიდის ეს საზრდო? მივმართოთ სხვა-და-სხვა ცდას. ძალღს ამოუკერეს კუჭის გასაეალი და ამგვარად კუჭი ნაწლევებს მოაშორეს. შემდეგ კუჭში ჩაასხეს წყალი. რამოდენიმე ხნის შემდეგ კუჭი გასინჯეს და შიგ წყალი აღარ აღმოჩნდა. სად წავიდა ეს წყალი? ნაწლევებში ვერ ვადვიდოდა, რადგანაც კუჭიდან გასაეალი ვზა ამოკერილი იყო. აქედან თავის თავად ცხადია, რომ კუჭის კედლებში ანუ ლორწოიანი კანმა წყალი შეისვა. სხვა-და-სხვა ცდა ამტკიცებს. რომ წელღბსაც სწორღდ ამგვარი თვისება აქვთ: წელღბის ლორწოიანი კანი ისეაღს ყოველღვარ სითხეს, რომელიც წელღბში ჩადის. წელღბის შინაგანი ლორწოიანი კანი რომ კარღად გასინჯოთ,

დარწმუნდებით, რომ ის ხაოიანია ანუ ბუსუსებიანი. მთელი კანი ურიცხვ ბუსუსებით არის დაფარული.

თვითნული ბუსუსი რომ მიკროსკოპში გასინჯოთ, მიიღებთ იმ სურათს, რომელიც აქ არის დახატული. გადიდებული ბუსუსი, როგორც ხედავთ, წარმოადგენს შაქრის პატარა თავს; ვარდნად ის დაფარულია პატარა პატარა უჯრედებით. უჯრედების შიგნით არის ურიცხვი სისხლისა და წბოლის მილები. სხვა და-სხვა მაგალითებით დღეს დამტკიცებულია, რომ სითხეთ



ქვეულ საზრდოს ისევე ბუსუსების უჯრედები და ამ უჯრედებიდან საზრდო გადადის ბუსუსებში მოთავსებულ მილებში. როგორც დაამტკიცა დაკვირვებამ, ქონი გადადის წბოლის მილებში, დანარჩენი ნაწილი კი — სისხლის მილებში. წბოლის მილებს ნაწილებიდან მიღებული ქონი მოაქვთ პირდაპირ გულში, აქ ქონი უერთდება სისხლს, სისხლს-კი მიაქვს ის ჩვენი სხეულის სხვადასხვა ნაწილებთან. საზრდოს დანარჩენი ნაწილი კი პირდაპირ გულში არ მოდის. ის სისხლის მილებში რომლებსაც ნაწილებიდან ბუსუსებში გადმოსული საზრდო მოაქვთ, ნელანელა თავს იყრიან და შეადგენენ ერთ მილს. ეს მილი შედის ლეიძლში, აქ ისევ იყოფა მრავალ ურიცხვ მილებად; შემდეგ ისევ შეერთდებიან ეს დაყოფილი მილები და უერთდებიან ქვედა ცალიერ ვენას. ამ გვარად ის საზრდო, რომელიც ამ მილებით მოდის, ისე ვერ ჩავა გულში, თუ უმაღლესი არ გაიარა. რისთვის არის ეს საჭირო? აი რისთვის. ერთმა მეცნიერმა ააქრა ძალისხმევა ის მილი, რომელსაც საზრდო ლეიძლში მოჰქონდა და შეუერთა პირდაპირ



ქვედა ცალიერ ვენას. ამ გვარი ოპერაციის წყალობით მიღებული საზრდო ასცდა ღვიძლს და პირდაპირ გულში ჩადიოდა; გულიდან ურიგდებოდა ტანის სხვა და სხვა ნაწილებს. ამგვარი ოპერაციის შემდეგ ძაღლმა დიდხანს ველარ იყოცხლა და მოკვდა. მომაკვდავ ძაღლს მოწამლულობის ნიშნები ემჩნევოდა. ამ გვარი ოპერაცია შემდეგ ბევრ ძაღლებს გაუკეთეს, მაგრამ ყველა დაიხოცა. მათი დახოცვის მიზეზი ოპერაცია კი არ იყო, არამედ საზრდოთი, მოწამლვა. ამ ოპერაციამ გამოარკვია, თუ რა მნიშვნელობა ჰქონია იმ გარემოებას, რომ საზრდომ ქონს ვარდა უშალ ღვიძლში უნდა გაიაროს, ვიდრე გულში ჩავიდოდეს. საზრდოში არის ისეთი ნაწილები, რომლებიც ჩვენი სხეულისათვის საწამლავეს წარმოადგენენ. ეს საწამლავეი რომ ასცდეს ჩვენს სხეულს, ბუნებამ ისე დააწესა, რომ საზრდომ უსათუოდ ღვიძლში უნდა გაიაროს, სინამ ჩვენი სხეულის ნაწილებს დაურიგდებოდეს. სისხლში გადასული საზრდო იჟანტება ღვიძლში, ღვიძლი სწუმენდავს მას, ატლის მავნებელ ნაწილებს და დაწმენდილ საზრდოს ჰგზავნის გულში. ამ გვარად ღვიძლს ორ-გვარი მნიშვნელობა ჰქონია: ის ამზადებს ერთგვარ სითხეს—ნაღველს, რომელიც ჰხარშავს ქონს, და აგრეთვე სწუმენდავს მონელებულ და სისხლში გადასულ საზრდოს.

დაწმენდილი საზრდო ღვიძლიდან გადადის ქვედა ცალიერ ვენაში, აქედან მიდის გულში. გულშივე მიაქვთ ქონი წბოლის მილებს. ამ გვარად მთელი საზრდო თავს იყრის გულში და აქედან სისხლი ურიგებს მას ჩვენი სხეულის ყოველ ნაწილს.

ი გამართელი



რომელიც...



გოტანიკური საშუაარი

(გაზრდელემა)



ინა ნომერში ნათქვამს ადვილად დაინახავთ შემდეგიდგან: პირველი მუხა (იხ. სურათი № 14). გაზრდილია თავისუფლად; სიმაღლით შედარებით პატარაა, — 26 არშინი სამაგიეროდ სქელია 2 1/2 არშინი და სულ ტოტებათ არის ნაქცევი. მეორე მუხა (იხ. სურათი № 15) ლერწამივით სწორება, რადგანაც თავდაპირველად გაზრდილია დაბურულ ტყეში. ეს ტყე მოჭრილია, მხოლოდ აქა იქ არის

დარჩენილი სადედოდ 45 არშინიანი მუხა სისქით მხოლოდ 12 ვერშოკიანი.


ხეებს ჰგოლავს სიცივის გარდა უწყლობა, გვალვა. დიდი ხე, რასაკვირველია, ბევრს წყალსაც მოინდომებს. თუ საკმარის სინესტეს ვერ შოულობს ნიადაგში, იჩაგრება, იგოლებს; მართლაც და რაც უფრო დაბალი და პატარაა ხე, იმდენად ცოტა წყალსაც მოინდომებს, და ცოტას უფრო ადვილად იშოვნის ნიადაგში. საკვირველია ის გარემოება, რომ ამ დაჩაგრულ ხეს თავის დროზედ გამოაქვს ყვავილები და მერმე კარგი ნაყოფიც. ამისთანა უწყლობით დაგოლილ ხეებს ხშირად შეხედვებით უდაბნოებსა და მთებში ხალ კლდეებზედ.

ხეს სიკვდილამდე ყოველ წლივ სისქე ემატება. რასაკვირველია, რაც უფრო დიდი ხნისაა, იმდენად უფრო სქელიც უნდა იყოს. მაგრამ, უფრო სქელი ხე ყოველთვის დიდი



ქართული

ხნისა როდია: ხის სისქე დამოკიდებული იმაზედ, მანამდე ვარშემო ხეები ახვევია. პირველ შემთხვევაში დვას იგი, თუ ვარშემო ხეები ახვევია.



სურათი 14.

ხე შედარებით მალე სქელდება, სამაგიეროდ სიმაღლე მცირე ემატება. მეორე შემთხვევაში, თუ ხეები ახვევია ვარშემო, მცირე სისქე ემატება სამაგიეროდ ძალიან მაღალი იზრდება. ამიტომ დაბურულ და ხშირ ტყეებში ადვილად შევხვდებით წერილს, სწორს, მაღალს და მოხდენილ ხეებს. დაბურულ ტყეში არც თუ არის საჭირო, რომ ხე ძალიან სქელი იყოს, რადგანაც აქ იმის ქარი ძალას არ ატანს; მას მეზობელი ხეები შევლიან ქართან ბრძოლაში. აბლადა მდგომ ხეს კი ქარს

ადვილად მოსტეხავს შტოში, თუ-კი საკმარისი სისქე არ
 ნება.

ბის სისქე—სიმაღლე დამოკიდებულია ჯიშზედაც; მუხა-
 რაც უნდა დაბურულ ტყეში გაიზარდოს მაინც ისეთი საშა-
 გალითა სწორი არ იქნება, როგორც სოკი და ნაძვი. მეორე
 მხრივ არყის ხე, კიპაროსი და ალვის ხე მარტო მდგომი
 კი შედარებით სწორე და წვრილ შტოს იქნებენ.



სურათი 15.

ჩვენს ქვეყანაში ადვილად შეხედებით ძალიან სქელ ხეებს,
 თელავში დგას მშვენიერი კანდარი რომლის დიამეტრი უდრის
 ოთხ არშინს; გარშემო, ირგვლივ 12 არშინზედ მდებარე.

ამისთანა სქელი ხეები ჩვენს ქვეყანაში ბევრია.

სოფელ ჯახუნდარაში (ლაშხეთი, სვანში) დგას მზარეო-
 მზარი ცაცხვი, რომლის სისქე ირგვლივ 19 არშინს უდრის.
 ამ ცაცხვის სურათი და აღწერა მოყვანილია ტყეშელაშვი-
 ლისაგან*). გორის მზარაში სოფელ კეხეში ლიხაძის პირას
 სოფლის ეკლესიის ეზოში დგას კაკლის ხე, რომლის ჩრდი-
 ლოში 200 ცხენოსანი თამამად შეეფარება. ამ კაკლის დი-
 მეტრი ± არშინს უდრის თურმე.**) დედა მიწის ზურგზედ
 ყველაზედ სქელი ხე მოიპოვება იტალიაში. ეს არის წაბლის
 ხე, მის ფულუროში ასი ცხენოსანი დაეჭევა—თურმე.



სურათი 17.

ამერიკაში ერთ უზარმაზარ ხეში გვირაბია გამოკრილი.
 იხილეთ სურათი № 17. (გადმოღებულია „კონ“-იდან).


*) „Землеведение“ (1905 г. кн. 1 и II).

**) Сообщение Лихачева.—И съѣзду русскихъ естествои с
 пытателей и врачей въ С.-П. Ботаника стр. 5.

ყველა მცენარისათვის, და რასაკვირველია, ხეებისათვისაც, ძალიან საჭირო არის, მზის სხივი, რადგან ფოთოლი ამ სხივების საშუალებით ამზადებს ნახშირ-მყვანილ ორგანიულ მასალას. მცენარეებს რომ ეს საკვირველი თვისება არა ჰქონდეთ, დედა მიწაზედ სიცოცხლე არ იქმნებოდა, რადგანაც მხოლოდ მცენარეს შეუძლიან მომზადება იმ ორგანიულ მასალისა, რომლითაც იკვებება დანარჩენი ცოცხალი არსება. ნამდვილი მზის შვილები მხოლოდ მცენარეები არიან. ჩვენ, ცხოველები კი, მცენარას მუქთა ხორები ვართ.

ბოლ. ქურდიანი





ჰენრის პესტალოცი

მამა ობლებასა და აღმზრდელი კაცობრიობასა.



ილი ხნის წინად ციურბში (შვეიცარიაში) ცხოვრობდა ერთი დიდებული კაცი, სახელად ჰენრის პესტალოცი. მამა ჰენრისს 6 წლისას მოუყვდა და ობოლი დედის ხელში დარჩა. იგი თავისი ხა-

სიათით, მუყაითობით და ყოფა-ქცევით უზომო სიბარულსა ჰგვრიდა დედას და იმის გულის ვარდი იყო. ჰენრი სკოლაშიაც ძალიან უყვარდა ყველას, როგორც მეტის მეტი გულკეთილი, ტკბილი და მშვიდობიანი ბავშვი. მის ნორჩ გულში ისე ღრმად იყო გამჯდარი სიბრაღულისა და სამართლიანობის გრძობა, რომ არ შეეძლო უსამართლო საქციელის მოთმენა. ამხანავს რომ ამხანაგისათვის ეწყენებინა, ჰენრიხი ვერ მოისვენებდა, სანამ დამნაშავეს თავის საქციელს არ გაასწორებინებდა.

9 წლიდან ჰენრიხი ზაფხულობით ბიძასთან ცხოვრობდა სოფლად. აქ თავის ტოლებთან თამაშობის დროს ის აკვირდებოდა ღარიბ ხალხის ყოფა-ცხოვრებას და იძიებდა იმათ გაჭირვებულ მდგომარეობის მიზეზს. ამ დროიდან დაებადა მას გულში ხალხის სიყვარული, სიბრაღული და დახმარების სურვილი. ხშირად მიჯდებოდა ხოლმე ის სადმე მარტოდ მარტო ღრმად ჩაფიქრებული და ოცნებობდა, თუ რად არის ცხოვრება დაყენებული ისე უკუღმართად, რომ ხალხის უმრავლე-

სობა დღესა და ღამეს ასწორებს, დაულაღვად შრომებზე წლებზე ფეხს იდგამს და მაინც კიდევ აუტანელ მდგომარეობაშია ჩავარდნილი?

მისი პატარა გული ღელავდა, და თვალეში მხურვალე ვედრება ეხატებოდა ამ დროს. „ღმერთო, შენ მომეც ძალი და სიმზნე, რადა შევიძლო ხალხის დახმარება, როცა ვავიზრდებო!“ წამოიძახებდა ხოლმე ამ ფიქრებში გართული. და მართლაც აუსრულდა საწადელი. სიკაბუკიდან ღრმა მოხუცებულობამდი ჰესტალოცმა იმდენი სიკეთე დასთესა ხალხის საბედნიეროდ, რომ ვისაც იმისი მოღვაწეობა ვაუგონია, ძვირად, აფასებდნენ და დიდი მადლობითა და პატივისცემით იხსენიებდნენ მის სახელს.

იქნება გეგონათ, რომ ჰესტალოცი მდიდარი კაცი იყო და ამ მხრით უწყევდა ხალხს დახმარებას? — სრულიადაც არა! იშვიათად თუ ვისმე აუტანია იმდენი გაჭირვება, უსიამოვნება, მწუხარება და შრომა, რამდენიც ამ დიდსულოვანსა და უანგარო კაცს მთელ თავის სიცოცხლეში!..

ჰენრიხი სიყმაწვილეში მუყაითად შეუდგა სწავლასა და გონების განვითარებას, რომ ცხოვრებისათვის მომზადებულს, შემდეგ ხალხისათვის გაეწია პატრონობა და დახმარება.

სწავლის ვათავებების შემდეგ იმან ხელი მიჰყო მეურნეობას, რომ ხალხს დაახლოვებოდა და მიეცა მაგალითი, თუ რა გზით შეიძლება იმისი დახსნა ათას გვარ ვასაქირისაგან და თავდაპირველად იმ უვიცობისაგან, რომელიც აფერხებს იმის წინსვლას. ამ აზრით იმან იყიდა სოფელში სამოსახლო ადგილი და დაარქვა იმას „ნეიგოფი“, ე. ი. ახალშენი. მაგრამ რადგან არც კოდნა ჰქონდა იმდენი და არც საღსარი შესწევდა, რომ მეურნეობა რიგიან საფუძველზე დაეყენებინა და სამაგალითოდ მოეწყო, ამიტომ მაღლე ისეთ გაჭირვებულ მდგომარეობაში ჩავარდა, რომ მეზობლების სასაცილოდ გახდა. მაგრამ ჰესტალოცი არ დაეცა სულით და აქ დამარცხებულმა სხვა გზა მოძებნა. იმან გახსნა თავის ნეიგოფში ყრმათა აღსაზრდელი ბინა, მოუყარა თავი 50-მდე ობოლ-ობერ,

მათხოვარ, ქუჩა-ქუჩა მაწანწალა უსაქმო ბავშვს და ხელი, მყოფი
 ჰყო მათ აღზრდას.

შენრიხი ბავშვებს უნერგავდა სწავლის, შრომის, პატიოსნებისა და სიყვარულის გრძნობებს; ცდილობდა იმათი ხასიათის გასწორებას, გულის გაწმენდას. ზაფხულობით ბავშვებს მინდვრად ამუშავებდა, ზამთრობით კი ხელსაქმეს აკეთებინებდა, თან ასწავლიდა და ისე აღერსიანად ეპყრობოდა, როგორც კეთილი მამა.

პესტალოცის მეუღლე ანნა ფრად გულკეთილი, აღერსიანი, მშრომელი და ბავშვების მოსიყვარულე მანდილოსანი იყო. ის თავგამოდებით შველოდა ქმარს და დიდ დახმარებას უწევდა ამ მძიმე, რთულ და საშობლოსათვის მეტად სასარგებლო საქმეში. დილით ცოლ-ქმარი ყველაზე ადრე დგებოდნენ, ღამე გვიან წვებოდნენ, მუდამ ბავშვებთან იყვნენ, იმათთან სკამდნენ, სვამდნენ და იმათთან ეძინათ.

ამ გვარ მზრუნველობისთვის ბავშვებსაც, მგონი, სრული თანაგრძნობა და მადლობა უნდა გამოეცხადებინათ კეთილ მამისათვის? მაგრამ საქმე სხვანაირად მიდიოდა: უსაქმოდ დაჩვეულ ბავშვებს მუშაობა ეზარებოდათ. უქმად ყოფნა და უმიზნოდ ხეტიალი უფრო მოსწონდათ, ვიდრე შევიწროებული ცხოვრება—პესტალოცის მამულში, სადაც ასწავლიდნენ ზრდილობას, თავდაქერას და შრომას; უშლიდნენ ჩხუბს, უსიამოვნებას, უზრდელობას, უზნეობას და სხვა უწესობას. ბავშვები გარბოდნენ.

ადგილობრივი მთავრობაც ხელს არ უწყობდა ამ კეთილ საქმეს და ამიტომ პესტალოცი იძულებულ იქმნა რამდენიმე ხნის შემდეგ თავი დაენებებინა ამ საქმისთვის.

18 წელიწადი ებრძოლა ამის შემდეგ პესტალოცი სიღარიბეს და იმის საშინელ შედეგს—გაქირვებას, დამცირებას და ნაკლებულობას.

რა კი ხალხმა ამ მდგომარეობაში დაინახა, ზურგი შეაქცია, დაცინვა დაუწყო და მათხოვრის სახელით იხსენიებდა. მაგრამ იმან მიიწი არ დაკარგა სასოება, რწმენა თავის თა-



შენის პესტალოცა.

ვისა და სასოწარკვეთილებას არ მიეცა. მისი ფიქრი და გონება მაინც კლდე იმაზე იყო მიტყეული, თუ როგორ ამოე-

ფხვრა სილატაკე, რომელშიაც ახლა თვითონვე ჩაიფლრა და რომლიდგან იწვედა და ვერ ამოდინოდა! პესტალოცი ამ დროს ცხოვრობდა განდეგილივით, ქვეყნიერებას მოშორებული, მარტოდ მარტო, და დროს მაღალ და წმინდა ფიქრებში ატარებდა. ის სწერდა თავის ნაფიქრს, დაკვირვებებს, დიდებულ აზრებს და შეადგინა მთელი წიგნი, სახელად „სალამოს ესმი განდეგილისა“. ამ გაკვირვებულ დროს იმან მეორე წიგნიც დასწერა, რომელშია მთელ განათლებულ ევროპის ყურადღება მიიქცია და დიდი სახელი გაუთქვა. ამ წიგნს „ლინჰარდი და ჰერტრუდა“ უწოდა და შიგ დაჰხატა ღარიბი და პატიოსანი ოჯახი, რომელიც დაუღალავემა შრომამ გამოიყვანა სიღარიბიდან, დაანახვა ხალხს პატიოსნებისა და სიკეთის გამარჯვება სიმპოროტისა და უსამართლობის წინააღმდეგ.

დიდი ხნის ბრძოლის შემდეგ პესტალოცი ბედმა ისევ მოღვაწეობის ასპარეზზე გამოიწვია.

საფრანგეთის მეფე ნაპოლეონ I-მა იმ დროს ბევრი ქვეყანა გაანადგურა, ხალხი ააწიოკა სასტიკი ომებით, რომ თავისი სამფლობელო გაეფართოებინა. რამდენი ბედნიერება შეეძლო მოეტანა ქვეყნისათვის ამ ძლიერსა და ამპარტავან მეფეს რომ მოენდომებინა!..

შევადაროთ ახლა, რა დიდი განსხვავებაა მშვიდად მოღვაწე ღარიბ პესტალოცსა და ყოვლად შემძლებელ ნაპოლეონს შუა? პირველი, თვითონვე სიღარიბეში მყოფი, დღე-ღამე დაჩაგრულ ხალხის მდგომარეობის გაუმჯობესობაზე ფიქრობდა და მოქმედებდა; მეორე-კი სამეფო ტახტს თავისივე მოძმეთა ბედნიერების ნანგრევებზე სდგამდა. დამამხობელ საფრანგეთის მსხვერპლად, სხვათა შორის, გახდა შვეიცარიის ერთი დაბა ბტანცი, რომელიც საზარლად იქმნა აკლებულ-აოხრებული: დედებს გულიდან შვილებსა ჰგლეჯდნენ, სოფლებს ცეცხლის აღში ახვევდნენ, ხალხი უბინაოდ რჩებოდა, სიმშვილი და სნეულება მუსრს ადენდა!..

აი ამ ცეცხლითა და მახვილით აოხრებულ ადგილებს მოველინა მსხნელად და მცველად პესტალოცი. იმან ხელ-



მეორედ გახსნა თავშესაფარი, მოაგროვა, დაობლებულ და უბინაო ბავშვები და დაუწყო მოვლა და აღზრდა. ახლა მთავრობამაც გაუწოდა ხელი ამ საქმეს და დაუთმო ერთი მიყრუებული, მინგრეულ-მონგრეული მონასტრის ნოტიო და ცივი შენობა, რომელსაც დიდი შეკეთება სჭირდებოდა, რომ სადგომად გამომდგარიყო. მაგრამ შეკეთებისათვის ვილას ეცალა, როცა ბავშვები შუა ზამთარში სიცივითა და სიმშლით იხოცებოდნენ.

თავშესაფარი ისეთი ღარიბი იყო, რომ არა თუ თანაშემწის, მოსამსახურის დაკერის საშუალებაც არა ჰქონდა. მაგრამ პესტალოცი ამასაც არ შეუშინდა და სიხარულით, მხნედ და დიდი იმედებით შეუდგა საქმეს მარტოდ მარტო. მალე ნახევრად დანგრეულ მონასტრის შენობა აივსო დაფლეთილ ქუქუიან, და გარყვნილ ბავშვებით.

დიდი მოთმინება, მეცადინეობა და ბრძოლა დასჭირდა პესტალოცს ამ საქმეში. ზოგიერთ ბავშვების პატრონებს თავშესაფარი „რალაც სისულელედ“ და პესტალოცი უნიკო და გამოუსადეგარ კაცად მიიჩნდათ; ბავშვებს მარტო იმიტომ გზავნიდნენ, რომ ახალი ტანისამოსით შეემოსათ, და მერე ისევ მიჰყავდათ; ზოგი ჯამაგირსაც თხოულობდა ბავშვების მოცდენისათვის, ზოგი მასხარად იგდებდა პესტალოცს და სხ. თვით ბავშვებზედაც დიდი შრომა იყო საქირო. უწყსოებას შეჩვეული, ბინძური, გაუფთხილებელი, სიავ-კარგისა და ბოროტება-სიკეთის გაურჩეველი, უზრდელი ბავშვები შეუპოვარ ლაშქარს წარმოადგენდნენ, რომლის წინააღმდეგ ბრძოლა სწორედ შეუძლებელი იყო სხვა კაცისათვის, მაგრამ ჰენრიხ პესტალოცისათვის კი არა. ის მასწავლებელიც იყო, აღმზრდელიც, ზედამხედველიც, ეკანომიც, მზარეულიც, მოსამსახურეც, ექიმიც, დარაჯიც და ყველაფერი.

ყოველივე ეს შესძლო ერთმა კაცმა, და ნახევარი წლის შემდეგ მოწაფეებს ვეღარც კი ეცნობდით: ისინი გახდნენ ფაქიზ, მშვიდ, მშრომელ და ზრდილობიან ბავშვებად, რომლებიც სულში იძვრენდნენ „კეთილ მამას“. ხალხის შეხედულობაც სრულიად გამოიცვალა აღმზრდელის შესახებ. წი-

ნად რომ სასაცილოდ იგდებდნენ „ვილაკ ოხერსა და ზამოქსაღვგარ“ პესტალოცს, ახლა ხელებს უკოცნიდნენ „დიდებულ მოღვაწესა და დახელოვნებულ ოსტატს“.

რა იყო მიზეზი ასეთი სასწაულისა?—სიყვარული. დიახ, ამ იარაღით დაიმორჩილა და შეითვისა პესტალოცმა ბავშვებიც და ხალხიც.

ერთს თავის წერილში პესტალოცი მეტად გრძნობიერად და გულსაგმირად მოგვითხრობს, თუ როგორ მიდიოდა მისი საქმე: „მე მარტოდ-მარტო ვიყავ ბავშვებთან და თუცა ასეთი უმწეო მღგომარეობა ერთის მხრით შიშვე უღელღივით მაწვა კისერზე, მაგრამ მეორე მხრით ხელს უწყობდა ჩემი მიზნის განხორციელებას: გათენებიდან დაღამებამდე ბავშვები ჩემს მეტს ვერავის ხედავდნენ. და მარტო მე შემომცქეროდნენ. ყოველსავე სიკეთეს, როგორც ხორციელს, ისე სულიერ მოთხოვნილებიას ჩემგანით მოელოდნენ, ჩემში ეძიებდნენ და პოვობდნენ. მე ვშველოდი იმათ, მე ვასწავლიდი, მე ვემუსაიფებოდი. ისინი მე შემომცქეროდნენ თვალეში, მე შემომოყურებდნენ ხელეში, როცა რამე სჭირდებოდათ. იმათ ცრემლებს ჩემს ცრემლს ვუერთებდი, როცა სატირელი ჰქონდათ; მათ სიცილს ჩემი ღიმილი შეხედებოდა, როცა მხიარულობდნენ. ისინი მოწყვეტილი იყვნენ ქვეყნიერებას, — მარტო მე ვიმყოფებოდი მათ შორის და ისინი — ჩემთან. რასაც ისინი სკამდნენ, მეც იმას ვკამდი, რასაც ისინი სვამდნენ — მეც იმას ვსვამდი, საცა იმათ ეძინათ, — მეც იქ მეძინა. მე ვწვებოდი მაშინ, როცა ყველანი დაიძინებდნენ, ვღებოდი იმ ღროს, როცა ჯერ ყველას ეძინა. ერთად ელოცულობდით, ერთად ვევედრებოდით ღმერთს და სანამ დაიძინებდნენ, მე ვემუსაიფებოდი, რითაც ან ვართობდი, ან ვასწავლიდი რასმე, — ეს იმათ სურვილზე იყო დამოკიდებული... მე არაფერი არ მებადა — არც სახლ-კარი, არც მოსამსახურეები, არც მეგობრები, მარტო ბავშვები იყვნენ ჩემი ნუგეში. როცა კარგად იყვნენ, მეც მათში დავტრიალებდი, თუ ავად გახდებოდნენ — გვერდიდან არ ვშორდებოდი... მე ვუვლიდი იმათ. მე ვპატ-



რონობდი და მალე შეეჩვივნენ იმის დაფასებას, რაც მათთვის მსურდა. როცა ვინმე უსიამოვნებას და შეურაცყოფას მომთაყუნებდა, ჩემი მოსაჩრდე, მცველი და მფარველი ეს უპატრონო, ღარიბ ლატაკი საცოდავი ბავშვები იყვნენ. ისინი გრძობდნენ უსამართლობას, რომელსაც მე მაცუნივთ ვიწმინდებდი, და ამის შემდეგ უფრო მიახლოვდებოდნენ... და მე მრწამდა, რომ ჩემი მათდამი გულწრფელი სიყვარული ნაყოფს გამოიღებდა და ისე შესცვლიდა, გააუმჯობესებდა ჩემს ბავშვებს, როგორც ცივ და უსიამოვნო ზამთრისაგან გაყინულ-მძიმე-ბულ მიწის ნიადაგს სცვლის გაზაფხულის თბილი და მაცოცხლებელი მზის სხივი.“

ერთხელ ერთ მახლობელ სოფელს ცეცხლი მოუკიდეს. მთელი სოფელი გადაიბუგა და უსახლ-კაროდ დარჩა. პესტალოცი მაშინვე პატრონად გაუჩნდა უბინაოდ დარჩენილ ბავშვებს. იმისმა კეთილმა გულმა ვერ მოითმინა საცოდაობა და უბედურობა, შემოიკრიბა გარშემო თავისი მოწაფეები და ასეთი მუსაიფი დაუწყო:

— ხომ ნახეთ, შვილებო, რომ მთელი სოფელი გადასწვეს? ვინ იცის, რამდენი ბავშვი დარჩა ულუკმა-პუროდ, უბინაოდ და ტიტველი!.. არ გინდათ, ისინიც ჩვენთან მოვიყვანოთ და პატრონობა გავუწიოთ?

— როგორ არ გინდა! ძალიან კარგი იქნება! მიუგეს ბავშვებმა ერთხმად.

— ისიც ხომ იცით, ჩემო ანგელოზებო, რომ ჩვენ ნაკლებადა ვართ, და ისინი რომ ავიყვანოთ, მაშინ შრომას უნდა ვუმატოთ და ქამას მოვუკლოთ! ამ პირობითაც გასურთ ავიყვანოთ ბავშვები და უბედურობისაგან დავიხსნათ?

— გესურს! გესურს! თანახმა ვართ, რომ შეტი ვიმუშავოთ და ქამას მოვუკლოთ! უთხრეს სიხარულით ბავშვებმა.

ამ გვარად მიიღეს ბავშვები, გაუნაწილეს თავიანთი მცირე ლუკმა, ტანისამოსი და ლოგინი, როგორც ღვიძლ ძმებს!

როდესაც მოწაფეებს სიყვარულისა და მადლობის გამოცხადება უნდოდათ, კეთილ მამისთვის, ის ასე ეტყოდა ხოლმე:

— ჩემი სიხარული და უძვირფასესი ჯილდო თქვენთან მხარით ის იქნება, შეილებო, როდესაც თქვენც დახმარებას გაუწევთ უპატრონო ბავშვებს და ასწავლით, როცა გაიზდებით... ეს სიტყვები საშინელ ღრმა შთაბეჭდილებას ახდენდა ბავშვების ნორჩ გულში...

რამდენიმე ხნის შემდეგ ისევ იფეთქა ომში და პესტალოცი იძულებულ იქმნა დაეხურა თავშესაფარი. იმან დალოცა ბავშვები, შემოსა ახალი ტანისამოსით, აჩუქა ფული, მისცა დარიგება და გამოეთხოვა.

აი რამდენიმე მცნება პესტალოცისა მოწაფეებისადმი:— გიყვარდეს ამხანაგები, როგორც ძმები.— მოწყალებით მოექტე და გაუფთხილდი შენზედ უმცროსს,— ეცადე, სამაგალითო იყო ყველასათვის.— ნუ გადაუხდი სიბოროტეს სიბოროტით და ნუ დამარბავ გულში ღვარძლს.— ნუ გაუამხანაგდები იმას, ვისაც ცუდი განზრახვა აქვს და ეცადე ააცილინო ის ამ გზას.— ნუ იქნები მოშურნე, მაგრამ მიბაძე კი იმას, ვინც შენზე ჰკვიანი და მოხერხებულია.— არ დააბეზლო ამხანაგი იმ მიზნით, რომ მას ევენოს რაიმე.— ნუ დასცინი უვიცს, სახიარსა და გლახას; გებრალეზოდეს ისინი და ეცადე შემწეობა გაუწიო.— არავინ გალანძლო და არ სცემო; სხვისი არა მიითვისო.— რა.

ბოლოს პესტალოცი მოიქანცა შრომით, ჯანი გაუტყდა, დასწულდა და საექიმოდ წავიდა წყლებზე. მაგრამ დაულაღვი მოღვაწე ვერსად ვერ დგებოდა უსაქმოდ. როცა ცოტათი მოკეთდა, ჯერ მასწავლებლის თანაშემწედ გახდა ერთ სასწავლებელში და მერე ამავე სასწავლებლის გამგედ. აქედან ის თავის მოწაფეებითა და ამხანაგ მასწავლებლებით გადავიდა ივერდონში და გახდა მასწავლებელთა მასწავლებლად, და დიდ სახელოვან კაცად. იმის სასწავლებელს მრავალი მოწაფე მოაწყდა სხვა და სხვა მხრიდან. მასთან მოდიოდნენ მასწავლებლები სწავლის მისაღებად, სამეფოს წარჩინებული პირნი და თვით მეფეებიც სანახავად. ყველა ქვეყნებში იმა-

რებდნენ პესტალოცის ხელმძღვანელობით გაწრთვილ მასწავლებლებს და ავრცელებინებდნენ სწავლას მის მიერ შემოღებულ წესზე ავსტრიასა, გერმანიასა, რუსეთსა და ესპანიაში.

პესტალოცის სამაგალითო სასწავლებელში, ითვლებოდა 160 მოწაფე და 15 მასწავლებელი; 30-ზე მეტი კიდევ მსმენელებად მოსული მასწავლებლები იყო.

თავის თხზულებებში პესტალოცმა დიდ ძალი ფული მიიღო. ეს ფულები სულ ღარიბ ბავშვების თავშესაფარის დასაარსებლად შესწირა და თვითონ გადავიდა შვილი-შვილითან ნეიგოფში. გარდაიცვალა 81 წლის. მოხუცებულ პესტალოცის საფლავზე ხალხმა ააგო დიდებული ძეგლი შემდეგ შესანიშნავ ზედ წარწერით:

ჰენრიხ პესტალოცი

დაიბადა ციურიხში 12 იანვარს 1746 წელს, გარდაიცვალა 17 თებერვალს 1827 წელს.—ღარიბთა მხსნელი, ნეიგოფში.—(საერო მოძღვარი ლინჰარდსა და ჰერტრუდაში)—ობოლთა მამა ხტანცში,—საერო სკოლის დამფუძნებელი,—ხალხის აღმზრდელი,—ადამიანი, ქრისტიანი და მოქალაქე.—ყოველივე სხვებისთვის, არა რა თავისთვის.—კურთხეულ იყოს სახელი მისი!


თეო კანდელაკი





ს ა ჩ ა ფ უ ნ ო

იშოვეთ კარგად გამზარი ლერწამი; ლერწამს. მთელ სიგ-
ძეზედ ალაგ-ალაგ საღსარები აქვს. გამოსკერით იმ ზომის ნა-
ჭერი რაც მოთავსებულია ორ საღსარ შუა, და ფულურო მი-
სი გული კარგად გამოასუფთავეთ. იშო-
ვეთ ბოთლის საცობი პრობკა და ერთი
თავი ლერწმისა მაგრად დაუცეთ ნახატი
№ 1 ასო ა და შუა გული ლურსმით გახ-
ვრიტეთ (დ). მერმედ გამოსკერით ხის ტა-
რი (№ 2), რომ ლერწმის გულში თავი-
სუფლად მოქმედობდეს. ამ ხის ტარის ერ-
თი თავი ისე უნდა იყოს ჩაქრილი, რო-
გორც აქ არის ნაჩვენები (ნახატი № 2,
ასო „ზ“). გამოსკერით რგვალი პრობკა,
რომელიც ლერწმის გულში არც გაქე-
დილი იყოს, და არც თავისუფლად დაუ-
ლაყებდეს. წამოაცვით იგი ხის ტარზედ
იმ ალაგას, საცა ჩაქრილია (ზ) და გაუ-
ყარეთ ლერწმის გულში, როგორც არის
ნაჩვენები ნახატში № 1. ასო „ბ“ წარ-
მოადგენს პრობკას, „ე“ ხის ტარს და „თ“
იმ რიკს, რომლითაც დამაგრებულია პრო-
ბკა, რომ ეს უკანასკნელი არ მოშორდეს
ტარს. ამ ნაირს ერთიან მოწყობილობას
ჰქვიან საჩქაფუნო, აიღეთ ეს საჩქაფუნო, ერთი ხელით დაი-
ჭირეთ ლერწამი, მეორით ჩააღლეთ ტარს („ე“). ის თავი საჩ-



საჩქაფუნა.

ქაფუნოსი საცა აწერია „ღ“ ჩაჰყავით წყალში და ტარის ტარის მოსწიეთ, ისრე, რომ საჩქაფუნოს თავი წყალს არ დაშორდეს, ნახავთ, რომ საჩქაფუნო წყალს შესრუტამს. ეხლა მიუბრუნეთ პირი საჩქაფუნოს და მიაწეკით ხის ტარს—საჩქაფუნო წყალს გამოაქცევს და ისრე მაგრად, რომ კარგა მანძილზედ გადისვრის წყლის ჩქაფს.

ამ ერთის შეხედულობით ბავშურ გამოგონებას, მრავალ ნაირად გადაკეთებულს და განვითარებულს, გამოუთქმელი სარგებლობა მოაქვს ადამიანის ცხოვრებაში. ავილოთ მაგალითად ცეცხლის საქრობი საჩქაფუნო, რომელიც თითქმის იმნაირად არის მოწყობილი, როგორც აქ აწერილი, მაგრამ ცეცხლის საქრობს ამუშავებს ერთი და ორი კაცი კი არა-ათი და თორმეტი. არის იმისთანა საჩქაფუნები, რომლებიც მოქმედებენ ორთქლის მანქანებით და ზოგი წყლის ჩარხებით. ამ უკანასკნელთ, ესე იგი წყლის ჩარხებს **ტურბინას** ეძახიან. თბილისში წყალი მოდის ავკალიდან. აქაც საჩქაფუნოს წყალობით არის ეს მოწყობილი. ავკალიდან თბილისამდის მილი არის გამოყვანილი, მაგრამ ლერწმისა კი არა, მძიმე, მაგარი თუჯისა. ავკალაში მილის თავში საჩქაფუნოა მოწყობილი, რომელიც დღე და ღამ, ისვრის წყალს რკინის მილებით ქალაქისკენ. თბილისში ეს წყალი ურიგდება ოჯახებში ვისაც რამდენი უნდა. ამ ეამად თავდება ბაქოში დიდი საჩქაფუნო, რომელიც ბაქოდან ბათუმში, (900 ვერსია), კეროსინს გამოგზავნის.

ბოლოს ისიც ვსთქვათ, რომ ადამიანის გული ისრეა მოწყობილი, როგორც ჩვენი პატარა საჩქაფუნო. გული ყოველ ერთ წუთში რაც კი ადამიანის სხეულში სისხლია ორჯელ შემოიჭრიალებს: მოიყვანს გულში და გაგზავნის ისევ უკან სხეულში. ჩვენ რომ ვიტყვით გული სცემსო, მაშინ იგი სისხლსა სჩქეფს ადამიანის სხეულში.

ვ. ნიკოლაძე

გაპარული მანათი.

გამოართვით რომელსამე მაყურებელს ვერცხლის მანათი და ცხვირსახოცი. ეს უკანასკნელი გადააფარეთ მანათს ისე,



რომ ბოლოები ძირს დაეკიდოს. ცხვირსახოც გადაფარებული მანათი დაჰკერინეთ ვისმე წყლით საფხე კიქის თავზე. შემდეგ ნება მიეცით, ხელსახოცი დაიტოვოს, ხოლო მანათი კიქაში ჩაუშვას. მანათი კიქაში ჩავარდნის დროს ხმას გამოიღებს. შეულოცეთ ცხვირსახოცს, ორჯერ-სამჯერ მოუქნიეთ წყებლა კიქას, და მოაშორეთ ცხვირსახოცი. საკვირველი რამ მოხდება: მანათი საღლაც გაიპარება. ცოტა ხანს უკან გაპარულ მანათს ჰაერში დაიქვრთ.

ახსნა. წინააღმდეგ უნდა მალულად იქონიოთ მანათის მსგავსი მრგვალი თეთრი შუშა. შესცვალეთ შეუმჩნეველად ნამდვილი მანათი ამ შუშით იმ დროს; როდესაც ცხვირსახოც გადაფარებულს მანათს სხვის აძლევთ კიქის ზემოთ დასაქვრად. კიქაში, მაშასადამე, ნამდვილ მანათიანის მაგვირად ჩავარდება უბრალო შუშა, რომელიც წყალში შეუმჩნეველი რჩება. კიქა უნდა იყოს მომრგვალებული სქელი ძირით. ნამდვილი მანათი, უნდა გქონდეთ დამალული ხელში. ამ ხელს ჰაერში აიქნევთ და გაპარულს მანათიანს, ვითომც და ჰაერში დაქვრვას აჩვენებთ მაყურებელთ, კიქას შეინახავთ. მანათის მსგავსი შუშის გამოკრა ყველასთვის შესაძლოა: აიღეთ მარცხენაში შუშის ნაქერი, მარჯვენაში მაკრატელი, ჩაჰყავით ხელები იდაყვამდე წყალში და შიგ გამოსქვრით მრგვალი შუშა: შუშა წყალში ისე იქრება როგორც კარდონი. ვიგო ჯაფარიძე

რ ე ბ უ ს ი



მ



უ



3"



ნ

(ბრ. რეჟისორი)

(სმარტნიკი)

ნ



ნ



ნ



ნ



ნ

ნ



(მედიკოსი
და
მედიკოსი)

ნ

გაქვს ყველაფერი უფასოდ და უფასოდ

თბილისი, 1920 წელი. გამომცემი: ი. მ. ბერიძე



ბ




გ



დ



ე



„ ვ „ ე

მ-ს №-ში მოთავსებულ რეზუსის აღსნა:

ლუკა ტატოს უყვირის.

ოქტობერი მ. ი. დემურია. გამომც. თ. პ. ი. თუმანიშვილი.

ყოველ დღიური გაზეთი



„ამირანი“

მიიღება ხელის მოწერა 1908 წლისათვის.

გაზეთის ფასი:

წლით როგორც ქალაქში, ისე ქალაქს გარედ—	7 მანეთი.
ნახევარი წლით	„ „ „ „—4 მანეთი.
ერთი თვით	„ „ „ „—90 კაპ.

მიიღება ხელის-მოწერა ყოველთვიურ სამეცნიერო პედაგოგიურ და სალიტერატურო ჟურნალ

„განათლება“-ზე

(წელიწადი პირველი)

წლიური ფასი ხელის-მომწერთათვის 5 მანეთი, ნახევარი წლით—3 მანეთი. სამი თვით 1 მან. 60 კაპ.

ტფილისში ხელის-მოწერა მიიღება „ქ. შ. წერა-კითხვის გამავრცელებელ საზოგადოების“ წიგნის მაღაზიაში; „ნაკადულის“ რედაქციაში და „იდელის“ სტამბაში (კიკნაძესთან) ნიკოლოზის ქუჩა № 6.

ქუთაისში—წიგნის მაღაზია „იმერეთში“ ისიდორე კვიციანიძესთან.

открыта подписка на 1908 годъ

на газету

ЗАКАВКАЗЬЕ

ТРЕТИЙ ГОДЪ ИЗДАНІЯ

ПОДПИСНАЯ ЦѢНА:

Съ доставкой въ Тифлисѣ:	Съ пересылкой въ другіе города
на годъ 6 руб.—коп.	на годъ 8 руб.—коп
на полгода. 3 руб. 50 ко	на полгода 4 руб. 50 коп

Помѣсячно повсюду 75 коп., отдѣльный № 5 коп. Заграницей вдвое

Тифлисѣ Головинскій пр., д. Манташева, № 6.

მიიღება ხელის მოწერა



1908 წლის იანვრიდან 1909 იანვრამდის.

საუბრალო სურათებიანი ჟურნალი

ნ ა კ ა დ უ ლ ი

(წელიწადი მეოთხე)

წლიურ ხელის მომწერლებს მიეცემათ:

24 წიგნი ჟურნალი „ნაკადული“ მცირე წლივანთათვის **12** წიგნი ჟურნალი „ნაკადული“ მოზრდილთათვის.

პრემიები: 1-ლი, „1908 წლის კედლის კალენდარი 12-ი სურათით“. 2-რე, „თომას თავგადასავალი“ მარკტვენისა.

ხელის მოწერა მიიღება:

1) „ნაკადულის“ რედაქციაში, გოლოვინის პროსპ., ზუბალოვის სახლ., № 8, ყოველ-ღღე 9—2 საათ., სამშაბათობით საღამოთიც.

2) წერა-კითხვის გამავრცელებელ საზოგადოების წიგნის მაღაზიაში, სასახლის ქუჩა, სახლი თავად-აზნაურობისა. წლიურად ფასი ჟურნალისა დამატებით, ესე იგი მნ წიგნისა რჩება ისევე ნ მანეთი.

ნაკადულის რედაქცია სთხოვს ხელის-მომწერთ:

ვისაც ჟურნალის ნომრები დააკლდება, მიმართონ აგენტს ანუ რედაქციას.

ვინც მასალას გამოგზავნის დასაბეჭდათ ვთხოვთ გარკვევით და სუფთად იყოს დაწერილი.

რედაქტორი: მ. ი. დემურია.

გამომცემელი: თავ. პ. ი. თუმანიშვილი.